



永樂大典 1冊 WA37-7 00-001

国立国会図書館





永樂大典卷之二千二百七十九

六模

湖

湖州府五

山川

烏程縣山。吳興續志。烏程西南大抵皆山。東北近湖間。有山特出於平疇之間者。舊志容有詳畧。今標其顯著。并據志之所遺。以著于編。下山在縣北十八里。高六千尺。俗傳以為下和米玉之處。上有下和池。故山作下字。疑附會也。當依周處風土記。作冠弁之弁為當。其東南則在縣境。而西皆長興也。以其為一郡之主山。故特著之。吳興志。張玄之。吳興山墟名曰下山。峻極。非清秋爽月。不見其頂。顧長生。三吳地也。按下和於荆山。採玉今山中有似玉之石。土人謂之瑤琨。故以下名之耳。吳郡賦曰。其琛賂則瑤琨之阜是也。蓋徐陵孝義寺碑云。高下蒼蒼。遙聞天語。顏真卿石柱記。唐刺史韋明歇。有登下山。題法華寺詩。皆作下字。續圖經曰。周處作弁。雖似有理。但古今諸書皆作下。不必穿鑿取新意也。太平寰宇記。下山東足有一石。竇高數尺。晉人康中人間之。風雨晦冥。遂止。歷代莫知所封。又



宋書蕭惠明為吳興太守郡界有下山山下有項羽神廟相承云羽多居
廳事前後七人太守不敢上廳惠明謂紀綱曰孔季恭曾為此郡未聞有
穴遂盛設筵榻接賓數日未幾惠明忽見一人長丈餘張弓挾矢向之既
而不見因發背旬日而殞毗山在縣北五里大溪遠其麓自大錢而上實
為郡要衝之地大軍下湖州時嘗駐其上兵興志山海經云浮玉之山北
望具區東望諸毗郭璞注云諸毗水名也統記舊經云浮玉山在安吉縣
茗水發源也言東望涇浦槎牙相毗並注于太湖故名續圖經云浮玉在
西南毗山在東北與山海經協璞殆不知此山耳山最近城或與城相毗
而得名梁吳均有同柳吳興毗山集詩曰平湖曠復遠高木峻而危狀其
景也柳惲嘗建亭其上衡山在縣南十八里兩山夾峙溪流中瀉實郡
城南形勝之地也兵興志左傳襄公三年楚子重伐吳克鳩茲至于衡山
杜預注衡山在吳山在吳興烏程縣南山謙之吳興記曰衡山一名橫山
今俗亦呼橫山顏真卿石柱記云上有顓頊塚春秋鳩茲城統記云吳興
記云晉初衡山崩見顓頊塚中有營丘圖九首鳩茲杜注云吳邑在丹陽
蕪湖縣東今阜夷也顏公所書或恐有據道場山在縣南十二里為近
郭遊覽之勝上有道場寺伏虎巖絕頂五顯廟有浮屠屹立雲表其下則

咲月步雲諸亭皆在焉吳興志昔訥和尚辭師出巡禮師曰逢道即止訥
經此山遂留後建寺山頂有塔下有咲月亭變山亭元一統志舊志云
湖州大利也東坡蘇軾有云道場山頂何山麓內翰汪藻云游道場者如
入王侯之家過何山如造高人隱士之廬何山在縣南十四里道場山
之南有何山寺晉何楷讀書堂宋安定胡先生墓兵興志沈括地志云何
山亦曰金蓋山晉何楷居此習儒業楷後為吳興太守改金蓋山為何山
山口有次山曰金口山今曰何口山梁吳均有同柳吳興何山集送劉餘
執詩顏真卿石柱記云金蓋山有何氏書堂續圖經曰推本而言舊編云
山與道場山相接最為吳興勝游然道場山勝在山嶺何山之勝在山下
蘇東坡詩有道場山頂何山麓之句內翰汪藻云游道場者如入王侯之
家過何山如造高人隱士之廬方輿勝覽蘇子美遊雲上何山詩今古
何山是勝遊亂峰縈繞繞滄洲雲舍老樹明還城石磴飛泉咽復流徧嶺
煙霞迷俗客一溪風雨送歸舟自嗟塵土先衰老底事孤僧亦白頭浮
山在縣車蓋山前碧浪湖中舊傳隨水高下巨潦不沒故名昔嘗有亭其
廢已久至今春時嬉遊舟楫皆繫于此非天目浮玉山也東衡山在縣
衡山水東舊志但書衡山在縣南十八里而不知衡山有二橫亘于溪之東

者東衡山也。市山在縣南四十里。夾山在縣南稍西九都。剡山在縣南十二都。金蓋山在縣何山南。舊志稱昔人改金蓋為何山。殊不知何山在金蓋之北。初非改也。九里山在縣車蓋山南。下徐山在縣西南王村。戴山在縣東北十八里。昔戴遠嘗居其下。故名。昇山在縣東二十一里。一名烏山。舊編云。古烏中氏所居也。一名歐餘山。一名歐亭山。漢志烏程有鷗陽亭是也。昔越王無疆之子蹄。封於烏程。歐餘山之陽。為歐陽亭侯。子孫因以為氏。梁吳均入東記曰。晉王羲之為守。嘗升此山。顧謂賓客曰。百年之後。誰知王逸少與諸卿至此乎。因名昇山。遂立烏亭于上。吳均有同。柳吳興烏亭集。送柳舍人詩。即此處也。續圖經按史記。楚威王殺越王無疆。盡取故吳地。越以此滅。諸族子爭立。威王或以為君。濱於江南海上。服朝于楚。姓氏錄云。越王無疆為楚所滅。東封無疆子蹄。於烏程。歐餘山之陽。為歐陽亭侯。遂以為氏。吳興志。西余山在縣東十八里。興地志云。漢文帝封東海王。推之子為顧余侯。即此。後坐酎金失國。史記越王無疆滅。七世至閻君。推。佐諸侯平秦。漢高帝復以推為越王。以奉越後世表。及漢書諸表。不載顧余侯事。高十二年詔曰。南武侯織。亦粵之世也。立以為南海王。山有弄雲亭。樞密胡宿有記。杼山在縣西南三十里。陸

羽舊記云。山高三百尺。周回一千二百步。昔夏后杼巡狩之所。今山下有夏王村。西北有夏駕山。顏真卿杼山碑。又載山墟名云。舊名東張。遊者志歸。號稽留山。有黃蘗澗。黃浦橋。黃浦亭。何楷釣臺。避它城。招隱院。草堂溫閣。真卿又立三癸亭。以癸丑歲癸卯朔癸亥日立也。三桂棚。產丹青紫三桂。御史涇。觀察判官侍御史袁高嘗至此也。有謝臨川寫真堂。梁周興嗣登杼山。覽古詩。齊沙門寶月。涂次杼山等詩。孺山在縣東二十八里。三吳土地記云。後漢徐孺子。哭友人冀州刺史姚元。起於此。時九江何子翼嘲之曰。南州孺子。弔生哭死。前慰林宗。後傷元起。山有孺子祠。紹興中。郡侯徹淫祠。土人按圖。經為言。祠得不廢。二十二年。晉陵丞唐法為記。近又得古刻於水濱。峴山在縣南五里。本名顯山。晉太守殷康築亭上。名顯亭。唐以廟諱改焉。天寶刺史韋景先創五花亭。又有李適之石樽。山頂有塔。方輿勝覽。葛立之詩。話云。羊叔子鎮襄陽。嘗與從事鄒湛登峴山。慨然有泯沒無聞之嘆。現山亦因是以傳。古今名賢賦詠多矣。吳興峴山。去城三里。李適之窪樽在焉。蘇子瞻守兵興日。嘗登此山。有詩云。蒼水如漢水。鱗鱗鴨頭青。吳興勝襄陽。萬瓦浮青冥。我非羊叔子。愧此現山亭。悲傷同此意。歲月如流星。湛筆何足道。當以德自銘。法華山在縣西北十里。有

寺曰法華寺。刺史崔玄亮。張文規。盧幼平。俱有詩。東有石塢。吳太史慈所
葬。太平寰宇記。謂之石斗山。晉王羲之嘗來。顧謂親友曰。百歲之後誰知
我曾遊此。仁王山在縣西北九里。舊名鳳凰山。以山形似鳳也。故老相
傳。秦始皇以山有王氣。鑿其頸。今通舟為小河。山之首在南。號欄山。壘
山在縣東北五里。山謙之。吳興記云。壘山有紫石英。其山東臨大溪。西帶
長瀆。山上有亭。臨望虛曠。號壘山亭。車蓋山在縣南九里。輿地志云。形
如車蓋。因名。上有車蓋亭。晉太守殷康所造。白鶴山在縣西北二十六
里。吳興記云。昔烏程西鄉人姚紉。化白鶴遊此。因名。山石精好。可為碑版。
江東記云。負丘山石精好。不謝。吳興。即此也。張王居白鶴山。又云。二妃白
鶴山人。見靈濟廟下。別鮮山在縣東十里。孤秀不相連。屬因名焉。唐
高士沈聘。沈徵君之。爾雅曰。小山別。犬山。鮮。郭璞注云。不相連也。續圖經
云。此山名。今古義。非。俚。俗。能。為。也。西陵山在縣北二十一里。吳興記云。
吳太子和。葬焉。程北山。子皓。即。昨。追。尊。文。皇。帝。陵。白。明。陵。陵。在。山。西。故。名。
吳。嘒。山。在。縣。西。南。六。十。里。吳。興。記。云。嘒。燒。田。也。昔。有。吳。氏。燒。山。為。田。因
名。嘒。王。篇。力。周。切。田。不。耕。燒。種。也。廣。韻。同。石。城。山。在。縣。西。南。三。十。里。山
墟。名。云。昔。烏。程。人。嚴。白。虎。於。此。累。石。為。城。與。呂。蒙。戰。至。今。山。上。有。弩。臺。烽

樓。走。馬。埒。基。猶。存。黃。蘗。山。在。縣。西。南。三。十。五。里。梁。光。祿。卿。江。淹。有。詩。有
澗。曰。黃。蘗。澗。九。乳。山。在。縣。西。南。三。十。一。里。張。玄。之。山。墟。名。云。山。有。九。峰
狀。乳。形。澤。山。在。縣。東。七。十。五。里。吳。興。記。云。因。震。澤。為。名。溫。山。在。縣。西
北。二。十。里。吳。興。記。云。溫。山。出。御。芹。小。雷。山。在。縣。北。周。處。風。俗。記。云。太。湖
中。有。大。雷。小。雷。二。山。相。距。六。十。里。其。中。曰。雷。澤。即。舜。所。漁。者。也。周。處。記。又
云。浙。東。有。餘。杭。縣。上。震。江。是。舜。本。土。按。韓。詩。外。傳。舜。東。夷。之。人。也。統。記。云。
雷。澤。在。兗。州。北。周。處。誤。也。蓋。以。震。澤。中。有。小。大。二。雷。震。故。俗。名。之。舊。編。又
云。小。雷。山。所。謂。洞。庭。東。山。也。屬。烏。程。大。雷。山。所。謂。洞。庭。西。山。也。屬。長。興。兩
山。多。美。石。唐。白。居。易。作。奇。章。公。記。以。太。湖。石。為。第。一。三。山。在。縣。東。北。七
十。二。里。山。墟。名。云。三。山。在。太。湖。中。百。波。天。合。三。點。黛。色。陸。士。龍。贈。顧。彥。先
詩。曰。我。家。五。湖。陰。君。住。三。山。陽。包。山。在。縣。輿。地。志。云。即。古。夫。椒。山。也。史。記。越
王。勾。踐。棲。吳。王。夫。差。於。夫。椒。之。上。吳。都。賦。云。指。包。山。而。為。期。集。洞。庭。而。淹
留。自。澤。山。以。下。諸。山。並。在。太。湖。中。白。石。山。在。縣。統。記。云。多。出。白。石。葛。仙。山。在
縣。南。五。十。里。晉。葛。洪。嘗。隱。居。此。山。今。有。鍊。丹。竈。擣。藥。臼。存。職。方。圖。志。云。葛
仙。鍊。丹。之。處。天。下。十。有。三。烏。程。居。其。一。紹。興。中。侍。郎。葛。立。方。作。祠。為。記。
蒼。山。在。縣。與。葛。仙。山。相。連。舊。傳。葛。洪。種。黃。菁。於。此。至。多。山。多。黃。菁。秀。安。僖。王。墓

園在焉。右西南葱翠森鬱。繇延街地皆山也。或高或下。或巨或細。問其名則更僕未易悉數。東北近湖。皆平疇土腴。間有山率特出。亦各有名。而其著于古書者曰毗。曰衡。皆突兀于水濱之一隴耳。豈挺特而生者。鍾秀為多耶。或景必近人。則美而易彰。耶。物必待人而後顯。則其名之垂泯。固不容無幸不幸耶。夫昔之山。經或五百里。或三百二百里。始載一山。烏程一邑。而見于列者已如此。未為不幸也。故烏程諸山。參諸地志。畧著見者。悉不沒其名。雖未能盡勝踐。庶穿謝公之履者。可為問津之考。

歸安縣山 **吳興續志** 歸安縣舊志 崇山峻嶺 皆已載錄 今考所遺 增附于後 吳興志 縣境 西南廣德 至孝兩鄉 北按烏程 南按安吉 界並是岡嶺 延袤 林木 森蔚 去處 其餘 八鄉 如含山 沈長山 東林山 之屬 皆特生于平原 中 今載如左 舊志 諸書 所載 亦有 差誤 如 厥山 載在 烏程 三山 却載在 歸安 蓋 歸安 界不 近 太湖 今是 正之 龍池山 在 縣西南 一百里 震山 在 縣西南 六十里 天泉山 在 縣西南 一百里 河口山 在 縣東南 五里 夏家山 在 縣東南 六里 孟家山 在 縣東南 七里 謝家山 在 縣東南 五里 石門山 在 縣西南 六十里 吳興志 含山 在 縣東南 一百八里 張玄之山 墟名云 震澤 東望 蒼然 芟葦 煙蔚 之中 高丘 卓絕 因以 名焉 山有 淨慈

院 其巔有浮屠 厥山 在 縣東南 七十里 吳均入東記云 吳有陸厥 嘗家于此 舊經 統紀 屬 烏程 舊編 屬 歸安 湖 跌山 在 縣東南 二十五里 統紀云 漢 蒯子 訓 隱於 餘不鄉 卒 葬 烏程 縣 湖 跌山 今 屬 歸安 新 添 沈長山 在 縣東南 八里 施山 在 縣東 五里 潘山 在 縣東 六里 礪山 在 縣西南 六十三里 宋 鮑照 有 自礪山 東望 震澤 詩 五韻 方山 在 縣西南 一百一十五里 統紀云 張玄之 山 墟名云 以其 頂方 故名 梁 典云 紹泰 元年 十一月 陳文帝 為 信武 將軍 自長興 遣 二千人 投京 夜下 方山 津 即此處也 山北 屬 長興 統紀 載在 長興 縣 四十里 莫干山 在 縣西南 一百五十里 餘英志云 上有 鑄劍池 水常 清澈 水早 禱焉 側有 磨劍石 世傳 吳王 鑄劍所也 按 吳越 春秋 干將 吳人 吳王 闔閭 使造 二劍 一曰 干將 二曰 莫耶 鎮耶 干將 之妻也 今 鐵工 造刀 劍 磨以 山之 石 淬以 池之水 則 銛利 倍常 山北 屬 武康 去 武康 縣 治 二十五里 餘英 即 武康 也 故 載在 餘英 志 銅山 在 縣西南 九十五里 高三 百尺 括地 志云 吳 採 彭山之 銅 即此山 也 山西 屬 安吉 去 安吉 縣 治 三十里 統紀 載在 安吉 舊編 云 山 與 武康 安吉 分界 詳見 二縣 志 餘安山 在 縣東南 一十五里 靈山 在 縣東南 八十五里 獅子山 在 縣西南 一百五里 又 屬 武康 在 武康 東北 七里 餘英 志云 首

枕大溪岡。龍盤踞如後倪形。廬山在縣西南七十五里。頂山在縣西南七十四里。馬鞍山在縣西南七十六里。人屬武康。在武康北十三里。狀如馬鞍。母潭山在縣西南七十七里。鳳山在縣南七十三里。侯石山在縣南六十里。以上並見舊經。東林山在縣西南五十四里。突兀於菰蒲溪泊之中。峯巒翁秀。上有祇園寺。頂有浮圖。見善編。見山在縣南七十四里。浮玉山在縣峴山樣中。俗傳其山隨水低昂。旱潦如一。上有叢篁。舊有小亭。今不存。太平寰宇記防風山在歸安縣東一十八里。先名封嶠山。唐天寶六年。勅改馬。其一。名風公山。一名風渚山。古防風氏之國。公者以其山上有風公祠。風渚者以山下有風渚水。封山者以其禁採樵漁獵也。山東南二里有嶠山。禹十二代孫。帝喾所居也。吳伐越。隳會稽。得骨節。專車。使問仲尼。仲尼曰。禹致群臣於會稽。防風氏後至。禹殺而戮之。其節專車。此為大矣。客曰。防風何守。仲尼曰。江芒氏之君守封嶠山。言防風。治此二山也。石城山在縣西南三里。漢末赤眉之亂。邑人於山上累石為城。因以為名。宋書云。沈道虔居縣北石山下。縣令庾肅之。迎出縣南鳳頭里。為立宅臨溪。徵負外散騎侍郎。不就。山上有漢青州刺史姚恢墓。金鵝山在縣東二十里。山墟名云。漢海昏侯沈戎葬於此。上有池深

五尺。其水冬夏不竭。時吳帝見山上金鵝翔集。或風清雨霽。樵夫耕父。聞山上鵝鳴。武康山在縣西十五里。名銅官山。唐天寶六年。勅改馬。輿地志云。銅官山下有兩坎。深數丈。方圓百丈。古採銅所鑿。山在縣西八里。山下有水。謂之響潭。吳興記云。有人經響山。語無多少。響則隨聲。曲折應之。洪纖一無所失。天泉山在縣西北三十五里。吳興記云。山上有長流泉。謂之天泉。傍多沃壤。可耕殖。今按有水田五畝。一名唐鎚山也。凡山在縣北一十五里。山墟名云。凡山形似凡。因為名焉。亦作已山。計籌山在縣東南三十五里。吳興記云。計籌山昔越大夫計然多才智。籌算於此。山按其地。復與餘杭縣分界。今俗謂之界頭山。蓋籌頭聲相應也。三山在縣西八十三里。山墟名云。三山在太湖中。白波四合。三點黛色。長興縣山。吳興續志。境內諸山。具見舊志。洪武九年。所圖。比舊遺逸一十有四。今錄于編。獨母山在縣東五十四里。榜湖。南川山在縣北四十里。午山在縣西南二十五里。浮雲山在縣西南六十五里。南華山在縣西南七十四里。空山在縣西南六十四里。城山在縣南四十里。堯市山在縣東北三十六里。高五千四百尺。山墟名云。堯時洪水。居民於此山作市。今山上有池。可廣一畝。統記。唐僧皎然詩曰。堯市人稀紫筍多。皮日休詩云。閑尋堯市山。即



此山下田父老號舜田舊編。夏駕山在縣東南三十六里。高千尺。張玄之山墟名云昔帝行南巡至此山因而名之。輿地志云夏少康封庶子杼于會稽。兼得吳興地。烏程有行山。梁吳均有登夏駕山尋朱思之詩。太平寰宇記。山上有石鼓高一丈。下有盤石為足。諺云石鼓鳴則三吳有兵。括地志云石鼓作金鼓鳴亦魏郡零陵石鼓之類。吳興記云五行記並同此記。大雷山在縣東北太湖中。太平寰宇記東北六十里。高一百二十丈。周處風土記云太湖中有大雷小雷二山。相距六十里。其間即雷澤。舜所漁處也。尚書釋言云在震澤。飛雲山在縣西二十里。高三百五十尺。山墟名云山南有風穴。故雲霧不得霽鬱於其間。宋元徽五年置飛雲寺。有石泉沙渚松門竹岩。烏瞻山在縣北五十里。高四百丈。山墟名云昔有烏子瞻望此山曰此山可以避難。養道隱者所居故名。鳳亭山在縣西北五十里。高一千尺。山墟名云昔有鳳棲山上。多產栲櫟。白石山在縣東南三十八里。山謙之吳興記云出白礬石。義鄉山在縣北六十里。高千二百尺。晉太守周玘舉義兵。平石冰陳敏等賊。割長城西鄉立義鄉縣。於陽羨縣置義興郡。呂山在縣東南二十里。高五百尺。舊名程山。山墟名云吳將呂蒙築營於此山因名。吳山在縣南四十三里。高六百尺。

山墟名云吳王送女至此。梁吳均卜宅。唐吳筠優居之。荆溪至吳山。有吳王送女廟。青山在縣南六十里。高二百尺。山墟名云山有石竇通洞庭。冬夏常暖。山如黛色。因名。吳筠詩云家住青山下。特向青山上。藝香山在縣北十五里。高四百五十尺。一名湖陵山。山墟名云西施種香之所。雒山在縣北五里。高五百尺。山墟名云以山形類雒。梁陳故事云梁武帝時有童謠曰鳥山出天子。江表以鳥名山者皆鑿。惟此山不鑿。陳高祖此山人也。上有追贈山。成山在縣西三里。高四百五十尺。一名夫槩山。山墟名云吳夫槩於此築戍城。山多產青松白茅。即梁太守張嶠與沈浚築戍以捍侯景之地。巖山在縣西五十里。高二百五十尺。山墟名云以巖為名。吳王闔閭時有白鹿見。一名白鹿山。方山在縣西南四十里。高四千尺。山墟名云以其頂方名之。梁典云陳文帝為信武將軍。自長城縣遣二千人投京師。夜下方山津。即此地也。四安山在縣西南八十三里。高一千尺。山墟名云以其山四面平廣也。俎中山在縣西北二十五里。在析湖西。山墟名云洎淹葳菜也。昔吳王於山中種蔬為軍人冬食之備。赭石山在縣西北六十一里。多產刺榆貢茗。縣曰山在縣西北六十里。山墟名云山有懸石若日形。西壘山在縣西北六十一里。山墟名云澗。






泉北流而西向峻狹以其鳴咽而名。五峯山在縣西一里五十步。括地志云。仙人姚紵所居。陳國子博士虞寄報德寺碑云。四鶴齊飛。五峯相映。南嶼山在縣西南百二十里。山墟名云。西施種香之所。上有蘭萼。峽。經云。百六十里。銀山在縣南三十里。出銀。玉井山在縣東南三十二里。天井山在縣南三十里。石樓山在縣東南二十七里。羅浮山在縣東二十五里。穿石山在縣東南三十里。金山在縣西四十里。見金潭下。顧渚山在縣見顧渚下。官山在縣顧渚之側。林木深秀。未嘗採伐。故名有大官山小官山。大官山頂有虎頭巖狀如呀嘯。下有石門可往來。張文規詩曰。誰言隼旗吏長對虎頭峯。石城山在縣南五十里。與烏程接界。見烏程志山下。梓山在縣西。與成城相連。漢錢林所居。詳見郡志。賈賁事實下。靈山在縣西七里。故相章惇葬母于此。八座山在縣南四十五里。唐吳玠吳瑛吳玠吳光業林鼎羅隱韓必何肅居此山。號八友。後人因名。太平寰宇記。梅溪山在縣。隋圖經云。吳興故鄣縣東三十里。有梅溪山。山根直豎一石可高百丈。至青而圓。如兩間屋。四面陡絕。仰之千雲外。無登陟之理。其上復有盤石。正圓如車蓋。常轉如磨。聲若風雨。土人號為石磨。石磨轉駛則年豐。遲則歲儉。候之無失。九龍山在縣西

一百二十里。一名郭山。一名章山。張玄之山墟名云。九龍山。其山有九龍。悉作龍形。山頂有古石城。城西北角有石竇。因名石郭。吳興記云。石郭山在故鄣南五里。產楊梅。貢御輿地志云。石郭山。昔吳採鄣山銅以鑄錢。即此山。西顧山一名吳望山。在縣北四十九里。高一千尺。張玄之山墟名云。西顧山。昔吳王闔廬登姑蘇望五湖。望見此山。因名之。括地志所載。西顧乃作牢固之固。未詳也。郡縣志。白鴨山在縣東南三十一里。姚紵得仙於此。化為白鶴而去。因以名之。方輿勝覽。蒼山在縣西出紫笋茶。杜牧茶山詩。山實東吳秀。茶稱瑞草魁。剖符雖俗吏。脩貢亦仙才。溪盡停蘭棹。旗張卓翠苔。重遊難自剋。俛首入塵埃。元一統志。烏膽山在縣北五十里。高四百尺。山墟名云。昔有烏子瞻。望此山上曰。可以避難。養道為隱者所居。故名烏瞻。武康縣山吳興續志。境內群山環繞。其名已詳。舊志今特舉其顯著者。及郡志所遺者附焉。封山在縣東南一十八里。古防風氏封守之地。故名。吳興志。家語載防風氏之守。曰守封禺之山。餘英志云。江苧氏守封禺兩山之間。則封山之名舊矣。一名風公山。一名風渚山。統記云。風公者。以其山有風公祠。風渚者。以其有風渚水。封山者。以其古國禁樵也。餘英志云。風






公祠今廢唐天寶六年勅改防風山元一統志史記註云汪罔之君守封禹之山則封山之名舊矣隋志武康縣下亦有封禹山按舊記曰風公山亦名封山又謂風渚山王象之紀勝云防風山在武康縣東一十八里本名封禹山禹山在縣東南三十里禹十二代孫帝禹所居之地故名吳興志餘英志云按史記禹十二世帝廬立而舊圖經志帝禹居此山當是帝廬之兄弟分封此邦統記防風山東南二里曰禹山及舊編云東南二十里統記嶋山又云在縣東南三十里餘英志亦云三十里石城山在縣西南三里漢末赤眉之亂人因山壘石為城以禦寇邑賴以全故名吳興志善編云山四旁出面如一餘英志云夜有神光其大如轂往來山腰倏隱倏見山巔平坦有洗馬池統記云齊沈道虔隱居于此上有漢青州刺史姚恢墓雲岫山在縣東南一十里有雲岫寺山出雲氣幽邃故名楊家山在縣東南二十五里銅山在縣西二十五里豸山在縣東南二十四里封湖中狀如獬豸故名金牛山在縣南三十里中山在縣南三十里前村山在縣南一十八里上栢步龍口山在縣西南二十里石順山在縣西四十里銅井山在縣西二十里永安山在縣西北二十三里小山在縣東北三十里石井山在縣東七里又

名脇山秀峯山在縣東南一十八里籠山在縣東南二十里鳳尾山在縣東南一十五里銅官山在縣西北一十五里本名武康山天寶六年改今名世傳吳王劉濞採銅之地吳興志鳳凰山邑有三一在縣北五里首枕郭林溪為鳳尾一在縣東北十八里懷德里為鳳翅一在縣東南十五里千佛寺側為鳳尾天泉山在縣西北三十五里吳興志云山有長流水謂之天泉傍多沃壤可以耕植故名武康山在縣西十五里本名銅官山唐天寶六年勅改今名餘英志六年本名武康山天寶六年改名銅官山下兩坎深數丈方圓百丈古採銅之所見輿地志舊編云山下有銅官湖漢吳王濞鑄錢處餘英志云山下有兩坎號銅井金鵝山在縣東二十里統記載山墟名云漢海昏侯沈戎葬此山山上有池深五尺其水冬夏不竭吳帝見山上有金鵝翔集或風清雨霽樵夫耕父聞山上有金鵝鳴故名餘英志云山與德清交界山枕溪流時有金鵝出沒事又見德清縣金鵝山金山在縣舊圖經書編統記俱在武康縣北十五里餘英志云在縣南三十里蒼舊相傳昔有人夜見山頂有光如燈鑿之得金數百斤餘英志云一名金車頂之土赤填山巖有泉產魚有金色銅峴山在縣西四十九里山墟名云銅峴前溪之發源吳王採銅之所俗





號銅嶺。此即安吉界。又與歸安接境。響應山在縣西八里。吳興記云。經此山語響隨聲應。洪纖一無所失。今人稱大響小響。餘英志云。有龍湫在山下。水色正碧。名玉石響。又名大響。巖前有小泓。名小響。正元中。于頓改玉石響為碧玉潭。定光僧院。栖巖腹中。有小池。池上有濯纓亭。又有一壑。軒院後。緣石磴。抵谷中。有斷崖。瀑泉二十餘丈。下有漱玉亭。舊編云。大響峭壁倚空。有瀑布高三十餘丈。濶二十餘丈。飛注蒼崖。亂石間。雖亢旱不竭。分流入碧玉潭。潭水湛碧。清冽莫窮。其底有龍居其中。早潦祈禱。輒應。小響在大響東北。有餘步。石壁森然。蒼澗峭拔。下有湫。方丈許。名玉石響。相傳與碧玉潭通。湫中水流入前溪。石上有于頓題刻。葛公勝仲嘗遊有長篇。場山在縣西二十七里。山墟名云。昔有場氏居此山。凡山在縣北五里。山墟名云。山形如几。覆船山在縣西南二十五里。古老相傳。邑人數於山上穿土。得大竹筴。若今之船纜。或掘得敗木若船片。故云山舊為海常覆舟。見統記及舊編。或云山有巨石橫亘。狀如覆舟。見餘英志。隋龍州刺史沈懋。昔結廬讀書。其中有餘址。一名馬頭塢。晉咸和七年。石勒將韓雍寇吳興。詔遣西中郎將趙引攻之。於馬頭塢即此也。計峴山在縣西北二十五里。山墟名云。范蠡之師計然居此。因名。又與烏程分界。亦曰

界峴。深峴山在縣西二十里。山墟名云。山下有水。深數十丈。因名。若峴山在縣西南三十五里。山墟名云。山多產箭筈。俗呼若嶺。黃龍山在縣東北二十五里。山墟名云。昔黃初平得道之所。統記作皇嶺。云嶺下有紫華廟。舊編云。今俗呼皇母山。山上有仙臺。石嶠山在縣西南七里。一名七里嶠。一名石頭山。山墟名云。山頂有石嶠。長一丈六尺。闊八尺。甚峻滑。山下有石嶠村。馬鞍山在縣北十二里。獅山在縣東北七里。烏田山在縣北三里。山在平田間突起一峯。舊名登高山。古人登高處。有遺址存。餘英志云。或以群鳥翔集名。或以山勢紆回故名。銀山在縣西五里。亦曰永安山。石山在縣西北二十里。齊書云。沈道虔隱居于縣北石山精廬。沈壁山在縣東北十五里。山有九峯。迤邐相接。沈氏自東陽徙永安。居此故名。郭林山在縣北十五里。晉郭文所隱也。文居山時。一日有虎至。張口向文。文視其咽中有橫骨。為採取之。後於所居日獲一死鹿。蓋虎之報。見括地志。白鶴山在縣西十里。地名鶴村。餘英志云。與青山見隋地理志。為群山之望。青山在縣北十五里。地名青山坑。獨蒼山在縣東北三十里。沙村。餘英志云。陰陽家有尋山。極龍歌。言吳興郡主山。惟蒼與下。蒼即此也。下在郡城北。二山岡來自鄞南。天目山。故老相傳





郡城造水寧倉歲有水患。雖增築不能禦。有異人告王者。取武康蒼山土築之。吉。因鑿山取土。土流血而倉始基。迄今無水患。山色蒼赤。殷然如血。
仙臺山在縣東北十八里。世傳黃初平鍊丹處。山頂有臺。臺北有遺遺堂。舊址望湖枕。境皆在目前。羊沒山在仙臺山之北。神仙傳言黃初平嘗牧羊于此。傷山之草木。叱羊化為石。俗訛為揚梅山。招賢山在縣西北七里。郭文隱居之地。獨孤山在縣凡山之東。唐獨孤及嘗宰是邑。作亭其上。因名。亭有故址。

德清縣山 **吳興續志** 縣內諸山舊誌已詳。今以名有異同。及誌所遺者增入焉。吳羗山在縣。下有乾元寺。俗呼乾元山。山頂有塔已廢。吳興志在縣東南一里。吳均入東記云。昔漢高士吳羗避王莽之亂。隱居此山。後人名焉。又宋沈麟士居于此。講經教授。從學者數千。百人。時為之語曰。吳羗山中有賢士。閭門教授居城市。東主山在縣。又名百寮山。下有開玄道院。元宗師吳全節來遊。留題有談揮玉塵者雲起。坐俯金鰲待月生之句。遂更山名曰玉塵。并易金鰲曰金鰲山。吳興志在縣東北三里。陳書云。侯景圍臺城。右軍將軍沈恪為東主山主。晝夜拒戰。以功封東興侯。而名之。今呼為百寮山。山之東有五子石。故老相傳有仙人嘗弄石于此。 文野

山在縣西二都。岑峯山在縣東北一十三里。下蘭山在縣北三里。赤土山在縣西南四里。丁山在縣西南二里。 **吳興志** 吳憾山一名城山。在德清縣西南二百步。吳均入東記云。昔吳王夫差憾越王傷父之足。進軍征之。於此築壘。又唐李光弼偏將軍卒。攷又築城于此。以平朱暉。姚廷等賊。號將軍城。吳越王又築于此。屯戍。號奉國城。故今隔溪。號城南。界首號奉國。洛山在縣南二十九里。入東記云。昔洛人永嘉中過江。昇此山以望洛。一名望洛山。下坦山在縣北八里。山墟名云。其山平坦也。德清山在縣東四里。一名烏山。山墟名云。昔有烏巾者。其家善釀美酒。居於此山。鮑昭有登烏山詩。至唐天寶六年。改為德清山。敢三山在縣東北二十一里。山墟名云。敢三山者。以其山峯在敢村南。則吳丞相闔宅所居也。市亭山在縣西南二百步。吳興記云。市亭山王逸少為郡。欲於此立宅。以其面谿背山也。山出陶器。大者容三十石。小者容二十石。名之曰礪。續圖經云。古者十里一亭。所以寓止賓旅。後人因以名之。葛山在縣東北一十八里。入東記云。葛仙公得仙之所。上有葛公壇。茅山在縣東北一十五里。入東記云。昔三茅君隱於此。見統紀。因女山在縣東北三十里。高十丈。周迴十五里。入東記云。後漢青州刺史姚恢。與海昏侯沈戎。





卜居柯田山。恢女密報戎戎先居之。姚氏囚女于此山。三世不復養女。後人名之。金鵝山在縣西北五里。後漢海昏侯沈戎葬其上。嘗有金鵝飛集北山。三鳴而去。其後沈氏通顯。故邑人云金鵝鳴。沈氏興。今山南有三村。號上初鳴。中初鳴。下初鳴。有梁沈麟士述祖碑。見碑碣。蠡山在縣東北十五里。舊傳范蠡之舊居。方山在縣西北十二里。有石獅塢。博士墓焉。金紫山在縣北十八里。山舊名金紫。郡城丁氏葬于此山。其後贈金紫光祿大夫。元一統志。馬厄山在德清縣西南一里。亦餘不溪之支流。吳越王馬過此而墮。因以為名。

安吉縣山。吳興續志。安吉縣湖之屬。邑惟安吉為多山。舊志已載。今特舉其顯著者。并舊所遺軼者。錄于編。天目山在縣西南一百餘里。山極峻拔。東南有瀑布水。下注於潭。名曰蛟龍池。故老相傳。山有十二潭。每歲旱邑人禱雨。輒應。至第三潭則止。餘潭險峻。不可到。古輿地志云。上有兩池。經早不竭。為天之左右目。因名天目。苔水出其陰。吳興志。老子說云。欲度難及。避水災。天目海陵山。最為第一。蕭翊天目山銘曰。於維天目。信其高矣。到岳霞上。標峯霧裏。復有虛一賦詩云。昨夜雲生玉井東。春來一雨幾回風。林花併逐溪流下。欲上龍池湧不通。山多靈壽藤。亦可作杖。節似筇竹。

弱而有力。今山間多道流。蒼字陸種甚盛。亦有田畝。池塘。山本產吳木。今亦種附子。遜齋開覽云。昔有人登天目山。遇暑雨。見雲霧皆在山腰間。雷音但似嬰兒聲。浮玉山在縣南六十里。浮玉鄉。苔水經其下。吳興志。山海經云。勾餘山東五百里。至浮玉山。即此山也。山又出長蔬。狀如猴。四耳。虎身牛尾。音如大吠。靈巖山在縣孝豐鄉。去縣南二十五里。金鍾山在縣順安鄉。去縣西三里。大溪山在縣浮玉鄉。去縣南八十里。浮石山在縣安福鄉。去縣東北二十里。康山在縣魚池鄉。去縣西三十里。石新婦山在縣金石鄉。去縣西南九十里。吳興志。金石山在縣西南七十里。高一萬八千尺。吳興記云。金石山上。石悉作金色。其山出蒲柳及苦竹。白楊山在縣東南二十二里。高一千一百二十尺。括地志云。白楊山。峻極于霄。上有兩穴。古採錫之所。五山在縣西南四十六里。高三千六百尺。括地志云。山有五峯。昔鄉民姚紵嘗於此山採樵。忽見二人奕碁。紵坐斧柯觀之。不覺其久。二人謂云。汝可還去。汝家今日為汝祥矣。紵所坐之斧柯。柯已爛。及還家。因入甕中。隱身。謂家人云。可七日勿開。日限未至。家人聞之。紵化為白鶴。飛向五山。吳興記云。五山一名奕山。玉磬山在縣西北三里。高五百尺。高僧傳云。釋曇諦姓康氏。吳興人。出家居吳虎丘山。





後入故鄣之崑山。每夜聞有聲。尋其發聲之所。掘之得磬。因以為名。顏魯公作石柱記時。此磬猶存。東晉山在縣東北二里。高一百二十六尺。入東記云。東晉時欲於此山立城邑。因以為名。廩山在縣東二十五里。高一千八十七尺。江表傳云。吳長沙桓王攻劉繇之。盡得郟閣糧穀。貯於此山。輿地志云。吳大帝於此山起倉。因為名。郟閣山在縣東北二十五里。高二百七十六尺。吳志云。吳大帝遣從弟孫瓊。修故鄣郟閣。蓋吳王起郟閣于此。銅峴山在縣東三十里。高一千三百尺。括地志云。吳採鄣山之銅。即此地也。苦峴山在縣西六十五里。高三千尺。吳興記云。苦峴山峻極。遊者苦之。亦見括地志。佛子山在縣西一百二十里。高六百尺。吳興記云。山上有石室。室中有小石。儼然若佛。柴山在縣西南一百二十里。高七百二十尺。見括地志。南嶼山在縣南六十二里。高三萬六千尺。括地志云。南嶼山一名白水山。山上有湖。其水色白。太平寰宇記云。昔西施種香之處。上有蘭畹。三山在縣東南六十里。桃花山在縣西南九十五里。郭公山在縣西北一十里有郭先生祠。按郭文居此山。嘗見一虎張口向文視。其咽中有橫骨。文乃探去之。後所居前。日獲一死鹿。蓋虎之報也。石榔山在縣故鄣縣北。山上有石榔。多生楊梅。吳興風俗記云。

張茂先曰。所謂地名石榔。故生楊梅也。梅溪山在縣之梅溪鎮。山之旁名石門。產石耳。梅溪見顏魯公石柱記。鳳凰山在縣東銅山鄉橫溪南。上有吳越王吳妃許夫人墳。山下有玉帶水。早晚兩潮。高尺許。嶺吳興續志。司馬嶺在烏程縣西南十二都。分水嶺在歸安縣西南四十五里。北青峴嶺在縣西六十四里。南青峴嶺在縣西六十二里。相王嶺在縣西北七十里。閔嶺在縣西北七十二里。彭蒼嶺在縣西三十里。徐嶺在縣西北六十里。楊嶺在縣西北五十五里。吳興志。懸脚嶺在長興縣西北七十里。高三百一十尺。山墟名云。以嶺脚下懸為名。多產箭竹。茶茗一名芳巖。茗水出焉。舊編云。有潤縈回八十一盤。山多漆木。啄木鳥嶺在縣北五十里。高二千四百尺。山墟名云。其山萬木叢薄。多啄木鳥。故名。池子嶺在縣西北五十里。高三百尺。山墟名云。嶺上有小池。雖焦草燂石之時。水不耗竭。白峴嶺在縣西北八十里。山墟名云。多產櫛若箭。若貯霜。停雪。藹然不凋。烟脂嶺在縣上柴村西。唐天師吳筠鍊丹之處。至今土色如烟脂。故名。蒼雲嶺在縣西北六十四里。其山松木翳蒼。狀如蒼雲。故名。合溪之源。出於此山。餘英嶺在武康縣西十五里。岑嶺之西。世傳梁沈氏族居之地。後有五峯。聳峻如屏。俗訛為夷羊嶺。





大壯嶺在德清縣西北九里。以上見舊編。純孝嶺在安吉縣梅溪。唐末黃巢之亂。邑人石昂藏母於此。昂性純孝。因以得名。

崗吳興志。牧馬崗在長興縣西南四十里。入東記云。吳王牧馬之所。三鴟崗在縣西南六十五里。有晉謝安墓。崗中有斷處。梁朝有童謠。馬山出天子。故鑿焉。

峴吳興志。若峴在長興縣西北三十二里。高二千九百尺。山墟名云。多產箭筈。佛子峴在縣西六十五里。高二千一百尺。山墟名云。昔傳其上常有白光。人謂有金寶。掘之得石佛子長數寸。因以名焉。龍目峴在縣西一百里。高五千尺。山墟名云。峴上石巖間有二目。光彩照人。謂之龍目。

峽吳興志。明月峽在長興縣顧渚側。二山相對。壁立峻峭。大澗中流。巨石飛走。斷崖亂石之間。茶茗叢生。最為絕品。張文規詩曰。明月峽中茶已生。石上多唐人刻字。顏真卿所書。但存髣髴。


峰方輿勝覽。杼峰在烏程縣南三十里。昔夏后杼南遊之所。顏真卿於此起三癸亭。陸羽釋皎然俱有詩。

嶠太平寰宇記。七里嶠在歸安縣西南。山墟名云。七里嶠山頂有石橋。長一丈六尺。甚峻滑。一名石橋。一名石頭山。今山下有橋村。

洞塢吳興志。黃龍洞在烏程縣下山。石壁峭立。巖竇陰沉。莫窮其底。旁有龍王祠。祥應宮。郡有水旱禱焉。知州事蘇軾有刻。古淳石洞在安吉縣西南五十里。紹興初。有僧智光。洗巖得龍牙。龍骨結菴于此。名曰不朽。又名其洞曰龍牙。吳興續志。桃花塢在歸安縣西南五十里。煙霞塢。吳興志。在武康縣東北。地名石脇。又謂之丁墓廬。撞字去聲。山下多梅。綿亘十餘里。故邑人有云。碧玉潭中千尺水。煙霞塢裏萬株梅。見舊編。入云。塢有大石如龜。號龜巖。有瀑布。餘英志云。劉頴云。別墅。龜上有亭。曰。巖天瀑布。有橋亭。名掛雲。淳熙中。縣程九萬。屢遊有留題。太平寰宇記。馬頭塢在歸安縣西南二十五里。晉書云。咸和七年。石勒將軍韓雍寇吳興。詔遣西中郎將趙引。攻之於馬頭塢。雍走寇南沙。及海隅二縣。悉在今蘇州界。隱塢在安吉縣。梁陶引景。謚貞白先生。嘗隱居於此。故號曰隱塢。

永樂大典卷之二千二百七十九





永樂大典卷之二千二百八十

六模

湖 湖州府六

河濱郡縣志運河湖州府入迎春門過望州人依橋至駱駝橋南會雲水者也東接上塘官河其水自平望橋直西至震澤又西至潯溪又西至舊管東遷昇山以入迎春門舊本州界平望驛官塘北至吳江縣界二里南至嘉興縣界二十六里元和五年刺史范傳正奉勅重開見統記又唐地志烏程下亦載此塘及舊編諸書並載今以潯溪為界即不係本州界分官河在烏程縣東一百三十二里唐元和五年太守范傳正重開吳興續志新河在德清縣東一里自烏山港入大溪元至正二十年守禦元帥戴興祖開吳興志內河在德清縣南三里餘不溪之支流也馬厄河在縣西南一里亦餘不溪之支流吳越王乘馬過此而卷因以為名月河在湖州府貢院東前溪支流環遠形如初月漕瀆在府州治南案字記舊編云在烏程縣南五十步即今儀鳳橋下溪晉咸和中都督郗鑒開按晉書本傳蘇峻反及陶侃為盟主進鑿都督揚州八部軍事官瀆在烏





程縣西二十七里晉咸和中都督郗鑿開統記作五年舊經作元年按郗鑿以三年都督揚州八郡軍事舊經誤早瀆在歸安縣西南一里三步亦在烏程界儀鳳橋西及舊編載餘不溪狄塘白蘋洲各見郡志下楊瀆在長興縣東五里分茗溪北流二十里合餘漁浦防瀆在縣西北六十二里一名范瀆盛瀆在縣東五里喬瀆在縣東四十里五官瀆在武康縣北二十里吳五官郎中沈珩居之因名餘英志云今廢於橫瀆在縣東南十八里三丈瀆在德清縣東二十里大麻瀆在縣東六十七里渾水瀆在安吉縣安福鄉去縣東北二十里餘水皆清此水獨濁故名元一統志趙瀆在長興縣東五十步亦名顧渚口皆茗溪之別名即合溪下流也

溪潭吳興志府以湖名近五湖也中有雲溪合四水也衆水群湊而太湖虛受坎流而不盈習險而無汎溢此郡所以立也舊書悉以太湖與四水分隸諸邑殊失古者建都之意今首數叙以運河漕瀆給郡計而供公上次之其他潭匯洲浦池塘在城者鱗附焉支流旁瀆止係逐邑者係之各邑下水常震動之象或曰震東方澤在東也其區者大為之防五湖者張勃吳錄云太湖之別名以其舟行五百餘里也吳郡圖經曰有小湖五悉

屬太湖貢湖遊湖胥湖梅梁湖金鼎湖也舊編謂固湖遊湖胥湖菱湖太湖縱廣數百里茗雲衆水入焉越絕書云周三萬六千頃其二萬頃為烏程顏公石柱云四萬八千頃統記云縱廣二百八十三里兼接蘇宣常州之界臨安廣德之水亦入焉吳興郡圖經云按蘇常秀州之境按秀州之境不溯湖統記云連德清武康長城臨平餘杭義興晉陵無錫江陰吳縣常熟崑山華亭嘉興海鹽一十五縣水入焉舊編亦從此說非也江陰自隔五瀆堰崑山常熟在吳江下流華亭海鹽水竟自入海不入太湖也新唐志云古湖宣蘇常四州境為是東為松江又東流二百餘里吳郡圖經云二百六十里以入于海舊泔湖之隄多為瀆瀆有斗門制以巨木甚固門各有扉版遇旱則閉之以防溪水之走瀆有東北風亦閉之以防湖水之暴漲舟行且有所艤泊官主其事為利浩博不詳事始今舊扉有刻元豐年號者則知其來遠矣後漸堙廢頗為郡害據舊編云今所存者止二十五今以烏程縣圖考之自外祖村至太湖村一帶有二十六瀆皆有名曰諸瀆沈瀆止水瀆羅瀆張港瀆新涇瀆潘瀆幻湖瀆金瀆趙瀆許瀆王瀆謝瀆義高瀆陳瀆薄瀆五浦瀆蔣瀆錢瀆新浦瀆石橋瀆湯瀆成瀆宋瀆喬瀆胡瀆紹熙中修湖瀆記云湖瀆三十六其九屬吳江其二十七屬



烏程者。魚紀家港而言也。此漢近溪面瀾。獨不置肺。又二十六名有湯家
淩。無上水淩。幻湖。作宦湖。紹熙二年。知州事王回修之。又改二十七淩名。
曰豐登。稔熟。康寧。安樂。瑞慶。福禧。和裕。阜通。惠澤。吉利。泰興。富足。固益。濟
皆冠以常字。如常豐港。即紀家港之類。橋脚覆柱。皆易以石。其牌輪。付近
淩多田之家。寶文閣直學士程大昌撰記。敷文閣待制沈樞書。敷文閣待
制賈選題。蓋雪溪起州治之南。與國寺前。今小景德寺。江子匯以其合四
水為一溪。故曰雪。四水者。舊謂自安吉浮玉山曰茗溪。一自武康銅峴山
曰前溪。一自臨安府臨安縣天目山經德清曰餘不溪。一自德清縣前曰
北流水。案宇記。舊圖經統記。浙載並同。至江子匯而合。直北至會溪亭。今
歸安主簿街。會運河水。同過駱駝橋。出臨湖門。北經毗山。入于太湖。按唐
韻曰。雪水。眾流之聲。雪。雪然。顧長生。三吳土地記云。烏程縣東有雪溪水。
至深處。徐陵。孝義寺碑云。清雪瀾瀾。深窮地根。又地書。雪者。四水擊射之
聲。故徐仲謀詩曰。四水交流。雪雪聲。張世英詩曰。雪溪深極地根清。四派
交流。激射聲。續圖經云。嘗考自清源門入曰茗溪。其流濁。自定安門入曰
雪溪。其流清。不過二溪耳。餘不溪。與茗溪。皆出天目山。茗陵出其西。餘不
出其東。前溪。雖出銅峴山。然至德清縣東。已與餘不溪合。而北流至定安

門外。通謂之雪溪。不待與餘不溪合。然後名之也。雪者。以眾流合集為義。
而舊經按字書為四水。激射之聲。以其源則前溪與餘不溪合。其水尚小。
以其流則未與茗溪合者。已名為雪矣。安得有四水激射聲乎。按唐李直
方曰。顛洲記曰。五溪叢流。而導其氣。說者謂四水并雪水而五也。鄭戩浮
玉亭記亦曰。雪水合四水。則四水為雪。有自來矣。古今名稱。多有差互。統
記云。與國寺在雪溪館。西。雪溪館。今雙溪亭是也。而烏程縣南浮玉亭。舊
名雪水堂。縣西有雪水鄉。二處。所臨乃是茗水。今餘杭乃有茗溪館。定安
門內有四水亭。皆相承之誤。吳興續志在烏程縣為東南藪澤。其諸港淩
所以泄上流。而注之湖也。在縣二十二都至四十一都之境。唯大錢小梅
二湖口。為最大。而且險要。自昔置巡檢於大錢者。實以二處為險要之地。
故特置官以控治之。其他浦淩三十有六。當春夏霖雨。西南山水驟發。黃
潦拍岸。非賴此泄之。則平疇皆浸為巨壑矣。舊常置閘以防北風湖泛之
患。後皆堙廢。洪武十年。主簿王福往濬治之。既而典史姚華輕繼往。由是
皆疏通云。元一統志在烏程縣北十八里。與長興州東三十二里。笠澤相
連。禹貢曰。震澤。周職方曰。具區。舊志縱廣二百八十三里。周回三萬七千
頃。連接四郡界入海。名震澤者。取水常震動之象。又云震東方澤地在東



也。其區者大為之防。五湖者太湖之別名也。按三吳志曰太湖旁有游湖。莫湖胥湖貢湖就太湖為五。又云胥湖蠡湖洮湖隔湖就太湖為五。又云天下如此湖者五。虞仲翔川瀆記云太湖東通長洲松江。南通烏程霅溪水。西通義興荆溪。北通晉陵。隔湖水東連嘉興。非一溪水。凡五通。故名五湖。本路圖冊引吳郡舊經云。有小湖悉屬太湖。貢湖游湖胥湖梅梁湖金鼎湖也。

蘇太平寰宇記。具區藪在烏程縣太湖也。澤縱廣二百八十三里。周迴三萬七千頃。連接四郡界入海。蓋水之所都也。深曰湖。淺曰澤。帶草莽曰藪。中有寂高山曰洞庭。曰包山曰姑蘇。洞庭下有地道。巴陵昔龍威夫人之所居。姑蘇上有臺。吳王闔廬之所居。次有三山曰石公山。大雷山。小雷山。古所謂登姑蘇望具區。言登高矚遠。封疆庶物無不具也。一名震澤。亦名笠澤。亦名霑澤。孔安國云。震澤吳南太湖名。太湖者以其廣大名之。又名五湖。

湖。吳興續志。小梅湖口在烏程縣北十八里。以東為港。九八。西金港。顧家港。官瀆港。張婆港。宣家港。楊瀆港。泥橋港。寺橋。大錢湖口在縣北十八里。以東為港。瀆二十有八。湖瀆。計家港。湯瀆。

諸瀆。和上瀆。羅瀆。大瀆。新涇瀆。蒲瀆。切湖瀆。西金瀆。東金瀆。許瀆。謝瀆。義高瀆。陳瀆。薄瀆。五浦瀆。蔣瀆。錢瀆。

新瀆。石橋瀆。湯瀆。盛瀆。宋瀆。喬瀆。吳興志。凡常湖在縣西二十七里。菱湖在歸安縣東南四十五里。唐崔元亮開。即凌波塘也。其地產菱。居人採而焙乾之。以備凶年。號菱米。見舊編。包洋湖在長興縣北一十五里。忻湖在縣東北一里。圖經云。一十五里。周迴十二里。山墟名云。分溪帶峯。蓮菱之下。鴛鴦所集。所以浮沐。為人憂恨。故名。西湖在縣西南五里。周迴七十里。山墟名云。一名吳越湖。傍溉田三萬畝。有水門二十四所。引方山源注焉。湖見統記。圖經舊編。山墟名云。昔吳王闔閭築吳城。使百姓輦土於此。浸而為湖。闔閭弟夫。因而創之。吳興記云。夫

祭所立。吳志云。孫皓封烏程侯。就國有西湖。人景養相。皓當大貴。此地人也。湖中出佳蓴。嘗貢。塘高一丈五尺。唐刺史于頔修。亦呼于公塘。後李詞立于公塘碑。元和中。范傳正復令縣令權逢吉去塘內田。及決堰。以復古迹。咸通中。刺史源重重建。縣令潘虔重修。見舊編。又新唐志云。西湖溉田三千頃。其後堙廢。貞元十三年。刺史于頔復之。人賴其利。風渚湖在武康縣東南一十七里。一名異渚。一名封渚。一名九里湖。一名下渚湖。餘英



志云以防風氏得名。故名風渚。在封禺之兩間。故曰封渚。在東南隅。故曰吳渚。其廣九里。故曰九里湖。湖左有上渚。故曰下渚。統記云。封渚者。前代禁採捕也。舊編載九里渚云。亦號鄒陽汀。按圖經諸書。別出鄒陽汀。不當合為一縣。今毛滂遊下渚湖詩。有春渚連天闊。春風夾岸香。飛花渡水急。垂柳向人長。遠岫分蒼紫。遺波寄渺茫之句。渚旁土粘墳。陶戶皆居之。浙右陶器多出於此。楊子湖在安吉縣北二十八里。舟楫不通。吳興記云。楊子湖出丹陽湖下。共郎閣水分流合于茗水。以其統楊子湖為名也。五湖在縣東南七里曰五龍湖。在西南三里曰姚湖。在南九里曰獲湖。在北二里曰西畝湖。在東二里曰四龍湖。皆有灌溉之功。四龍在龍清觀後。吳越武王以望氣者言山有王氣使人鑿之。忽有四鵠飛起。煙雲滃然。化為四龍。因以名湖。

潭 **吳興志** 蘇公潭在湖州府。自貴涇東流三百五十步。見舊經。又統記云。在霅溪東二百五十步。至駱駝橋下。開元初。蘇瓌子蘇頲。為烏程尉。墜此溪水間。直至潭底。統記云。因醉舊經云。因督縣事。聞水中有人語云。扶出蘇公。俄出水上。有記述其事。題後襲封許國公。開元初。同紫微黃門平章事。唐書。題初。調烏程尉。至駱駝橋下曰蘇公潭。此水深不可測。中有蛟螭。代

為人患。白馬潭在長興縣西四十三里。梁陳故事云。有白馬見於此潭。故名。龍潭在縣東南三十一里。下山。碧潭在縣和平鎮東。吳興記云。其水碧色。伊洛相類。今呼為天潭。金潭在縣西一十里。山墟名云。金潭金山。金塘。金渠。皆漢樓舡將軍曼倩之居。故名。永安潭在武康縣。證道寺之南。去縣治二百步。碧玉潭在縣西十里。響應山之下。本名響潭。統記云。響潭在縣西八里。山墟名云。清虛洞。澈。每有聲響。必隨應。故以為名。清泉在石。茂林脩竹。為邑中佳景。先和七年。自五月不雨。至于七月。時刺史裴君令。祭名山溪洞。縣令劉洵以此潭靈異。遂率寮屬祈禱。應時甘雨。響電。稼穡皆稔。耆老謁賀。請附圖籍。八年符下從之。又名玉石響。餘英志云。響應山下有龍湫。水色正碧。舊傳山有二玉。應人如谷之谷響。名玉石響。正元十六年。刺史于頔。以陂湖廢淤。行縣。至是因改名。唐人有詩刻巖上云。水面平鋪狀碧空。夜深明月照龍宮。猿啼未響潭先響。一樹花開兩樹紅。

石馬潭在縣西十八里。中有石馬一名湛潭。仙潭在德清縣東南新市鎮。隋道士陸脩靜。嘗自此潭沒數月。乃出。故以為名。宋葛書。思嘗監鎮有仙潭。雜詠刻石。在墨妙亭。吳興續志。湖州府天之支。與水偕馳。或淪為谿。或鍾為陂。雙流貫域。匯于江子。霅霅其聲。震澤是底。叙溪澤



湖之巨浸曰太湖。在郡治北十八里。烏程長興境之所距。兼接蘇宣常州之界。杭州廣德之水亦入焉。沿湖之隄多港。皆為斗門。視時之旱澇而閉泄焉。近世以來。漸就堙廢。洪武十年春。通判蔣忠重為疏導。民甚便之。漫之隸烏程縣者三十有八。小梅以東至寺橋港共九。小梅港、西金港、顧家港、官瀆港、張婆港、宣家港、楊瀆港、泥橋港、寺橋港、大錢以東至胡瀆共二十九。大錢港、計家港、湯瀆、諸瀆、沈瀆、和尚瀆、羅瀆、大瀆、新涇瀆、潘瀆、幻湖瀆、西金瀆、東金瀆、許瀆、楊瀆、謝瀆、義高瀆、陳瀆、薄瀆、五浦瀆、蔣瀆、錢瀆、新浦瀆、石橋瀆、湯瀆、盛瀆、宋瀆、喬瀆、胡瀆、漫之隸長興縣者二十有五。上周港、金村港、烏橋港、夾浦港、謝莊港、駱家港、鷄籠港、大陳瀆、杭瀆、前後港、盧瀆、彭城港、新塘港、百步港、殷南港、陰寒港、釜浦港、高家港、石瀆、新開港、宣家港、白茆港、寶浦港、小陳瀆、蔡浦港、湖之大川有四水。其一曰茗溪。水有二源。一出天目山之陰。一出浮玉山之西。合於揚灣。經安吉。東至梅溪。過長興吳山。經烏程。凡常湖入清源門。經漕瀆至江子匯。其二曰餘不溪。水出天目山之陽。出餘杭。至德清。會前溪。

水經。敢山過歸安菱湖。夫漾由峴山漾入定安門。至江子匯。其三曰前溪。出銅峴山。而東至武康縣治。分為二派。其一過沙村。與德清北流水合。入定安門。至江子匯。其一東流。經下渚湖。南入餘不溪。其四曰北流。水分派於德清之餘不溪。與武康前溪水合。又北至峴山。漾與餘不水合。共入定安門。至江子匯。四水會為霅溪。
吳興續志 茗溪在烏程縣發源。天目注于太湖。非灣匯縈折。無以殺其湍悍之勢。吳興志山海經南山次二經之首。句餘之山。又東五百里曰浮玉之山。茗水出於陰。北流注于具區。以今考之。溪有二源。西南一源。發自天目山之陰。金石鄉靈奕鄉。東至安吉縣治。南之邵渡。又自縣之東南。至章渡。又北至丘渡。東南一源。自獨松嶺西聚眾山水。并浮玉山水。折旋亦至兵渡。二源合而東。至倪渡。又折而西。復折而東。北至梅溪鎮。又至吳山。北經彭匯。入凡常湖。又合長興之南。烏程之西。眾山之水。至城下一自清源門。入經漕瀆。至江子匯。為霅水。一自清源門外徑。趨釣魚灣。沿濠。經迎禧門。又經奉勝門。合霅水。以太湖。
吳興志 餘不溪在湖州府。出天目山之陽。舊圖經云。其水深澈。餘水則不。故名不。平聲。讀。經臨山縣。又經餘杭縣。又東至安溪。又東至奉口。經德清縣。折而東北。至苧溪。漾敢山牛墳。戈。



亭。又後林村。又東北為菱湖。又東北至湖夫漾。經荻岡寺。東直北折而西為大灣。又西北會前溪水入峴山漾。入定安門至江子匯。為霽溪。漢沈戎居餘不鄉。晉孔愉封餘不亭侯。寰宇記在歸安縣東二十四里。晉中興書。孔愉字敬康。少時曾買得一龜。放餘不溪中。龜中流數反顧。及愉封餘不亭侯。鑄印。而印鈕龜首左顧。更鑄亦然。印工以告愉。愉悟昔放龜事。乃取佩焉。前溪在湖州府。出武康之銅峴山。合眾小流南注。折而東至慶安鄉。寧境廟靜林寺。又折而南。又東至武康縣治前之千秋橋。名前溪。又東至縣學前。分為二派。其一北流經太原鄉黃壠山之東。至沙村。號沙溪。與德清縣前北流水合。以入定安門。經前溪匯。至江子匯。為霽溪。其一東流經崇仁鄉。下渚湖之南。以入餘不溪。統記云。前溪者。古永安縣前之溪也。晉車騎將軍沈充家于此。樂府有前溪曲。充自製辭云。當曙與未曙。百鳥啼匆匆。後來少帝續為七曲。其一云。憂思出門戶。逢郎前溪渡。劉長卿詩云。白雲千里萬里。明月前溪後溪。武康縣有後溪。今慈感寺西之溪灣。曰前溪匯。車溪。續圖經諸書並載在烏程縣東南一百一十九里。吳興記。平望有車溪。車溪。諺云。曲阿不食。平望不羹。謂之失味。舊經云。二百九十里。蓋界至平望。止百三十二里耳。今界止七十二里。今為吳江縣界。

吳興諸塘及商浦當接歸安縣界仙澤。舊經統記云。在縣東百里。隋道士陸修靜嘗自此潭沒。數月乃出。俗因謂仙澤。潯溪在烏程縣東七十二里有水。自德清嘉興來。與震澤壘腔湖接焉。霽溪在縣東南一里。自定安門入。西合茗溪。北入于太湖。舊經云。凡四水合為一溪。自浮玉山曰茗溪。自銅峴山曰前溪。自天目山曰餘不溪。自德清縣前至州曰霽溪。誤矣。自清源門入曰茗溪。其流濁。自定安門入曰霽溪。其流清。不過二溪耳。且餘不溪與茗溪皆出天目山。前溪雖出銅峴山。然至德清縣東已與餘不溪合。而北流至定安門外。通謂之霽溪。不待與茗溪合。然後名之也。霽者以眾流合集為義。而舊經按字書為四水激射之聲亦非也。貴溪。太平寰宇記霽溪西南岸。有浦曰貴溪。梁時烏程有蘇氏女於此遇一道士曰汝後大貴。因遺一五彩龜。云三年當有徵。蘇氏後陳高祖宣后高祖即位。拜后母為安吉縣君。因名此曰貴溪。浦。吳興志。東溪在歸安縣東南一百六十里。又四至。東至秀州嘉興縣一百六十三里。以東溪水中分為界。小溪即施渚溪。在縣西北五十四里。源出上疆山東北。會北流水。寶溪在縣東南四十五里。即射村也。太守葛勝仲卜居。以昔有漁者。每見溪上有光。伺之見大蚌乘風而光從中出。遂之即沉。因以為名。思溪在

縣東南三十五里。見舊編。練溪在縣東南七十五里。即連市也。見舊編。東溪在縣東南一百六十里。菴畫溪在長興縣西八里。廣二十五弓。古木夾岸。叢篠翳其下。朱藤施其上。如是者十里。花時遊人競集。溪半有菴畫亭。唐鄭谷詩云。顧渚山邊郡。溪將菴畫通。崇觀間。劉焘詩云。欲識人間菴畫處。未藤倒影入清溪。合溪在縣。見舊編。本名合澗。統記圖經。皆作合澗。在縣西北六十里。源出蒼雲嶺。至山半分為兩道。繞獮獅塢南。合為一。因名。經尚吳鄉。至縣西南門。名茗溪。茗溪在縣東五十步。一名顧渚口。一名趙瀆。即合溪之下流也。又一源出懸脚嶺。統記懸脚嶺。山墪名云。茗水出焉。至縣東南門。折而南分為二。其正流名上茗。又折而東。循下山至郡城西北角。沿城外入太湖而遠。其分流名下茗。東經至德。一名趙瀆。入太湖而近。顧野王輿地志云。夾岸叢生箭箬。南岸曰上茗。北岸曰下茗。二茗皆村名。村人取下茗水釀酒。醇美勝於雲陽。俗稱下茗酒。詳見郡志。酒下。括地志云。縣前大溪亦名茗溪。相因為名也。統記云。四時勝載二百石。荆溪在縣西南六十一里。源出荆山。東流橫入大溪。自安吉梅溪至吳山北。總名荆溪。即茗溪之流也。李宗諤圖經云。荆溪至吳山下。每日潮高三尺。倒流七十里。云是吳王返女潮。今溪無是潮。荆山者。山墪名云。漢

荆王劉賈嘗登此山。張協七命曰。酒則荆南。烏程即是溪之南耳。統記云。烏程去荆州三十六百里。非荆州之南明矣。四安溪在縣南四十三里。一名周瀆。見舊編。源出四安山。過清泉鄉。又過惟鄉。經木山下。會茗溪。餘罌溪在縣東南二十三里。輿地志云。長城南鄉有餘罌水。以餘罌村為名。梁陳故事云。梁武帝時童謠云。天子之居在三餘。武帝於餘干。餘姚。餘杭。為厭勝之法。其時吳興有餘干山。餘罌水。餘魚浦。生陳高祖當之。郟閭溪在縣東南一百三里。與安吉郟閭山分界。詳見安吉縣郟閭山。茗溪在縣南五十步。一名顧渚口。一名趙瀆。注於太湖。茗溪者。顧野王輿地志云。夾溪悉生箭箬。南岸曰上茗。北岸曰下茗。二茗皆村名。村人取下茗水釀酒。醇美勝於雲陽。俗稱下茗酒。韋昭吳錄云。烏程下茗酒有名。山謙之吳興記云。上茗下茗村。並出美酒。張協七命云。酒則荆南。烏程則此酒也。按陳書帝紀云。陳高祖諱霸。先吳興長城下茗里人也。云縣前大溪亦名茗溪。其茗水鄉。茗溪里。皆相因為名焉。吳興續志。武康縣縣境溪澤。今以皇朝所上圖籍。參考舊志。無所增損者。不復錄。其有所遺軼。并邑之大川。則舉其要。邑之大川曰餘英溪。即前溪。源出銅峴山。東行四十九里。至縣之



南千秋橋下。又東至縣學前分為二派。其一經太原鄉黃隴山之東至沙村號沙溪。與德清縣前北流水合。入郡之定安門。經前溪匯。至江子匯為雪溪。其一東流經崇仁鄉下渚湖之南。以入餘不溪。吳興志。邑境在群山之間。澗水交流。聚而為溪。環繞邑治。載諸圖志者六。曰前溪。曰餘英溪。曰後溪。曰阮公溪。曰封溪。曰砂溪。率皆清淺。湍瀨僅通小艇。及東會餘不溪。北至砂村溪。始通大舟。故疏鑿之利。為邑要務。餘英志。又載新溪。長安溪。大抵皆脉絡相貫。因地及事而制名爾。至於港濱洲渚潭井塘堰。或以瀕水。或以防水。宜附于下。吳興續志。相溪在武康縣西南一十八里。通上百步。梅溪在安吉縣東三十里。卷畫溪在武康縣東南一十八里。兩山夾拱。在風渚湖之側。故名。吳興志。前溪在武康縣前之溪也。以見郡志下。元一統志。舊記云。即古永安縣前溪。邑人晉沈充。家於此溪。樂府有前溪曲。充所製者。宋少帝續為七曲。其一曰憂思出門戶。逢郎前溪度。莫作流水心。引新都拾故。餘英溪在縣西十三里。見統志。舊編云。十七里。即前溪上流。沈約宗族所居之傍也。山墟名云。每春夾岸花開。落英滿道。通夏不歇。因以為名。餘英志云。餘英溪在縣治南。源出銅峴山。東注四十九里至縣。古號前溪。是合前溪。餘英溪為一也。竊詳本邑之水。皆相通貫。而餘

英之水。發源最長。在縣前者。人謂之前溪。在縣後者。人謂之後溪。流為風渚湖。曰封溪。地多砂石。曰砂溪。况圖經。統記。皆別。前溪餘英溪為二耶。後溪在縣東北一里。即縣後之溪也。其源自烏回眾山流出。過龍尾橋。又過豐橋。東注于前溪之北流。慶元六年。知縣丁大聲。以其廠淤。不利舟楫。募民濬治。自龍尾橋至獅子山下。長一千二百丈。公私便之。廣五丈。役工一萬六千八百有奇。五旬而畢。邑人周祐為記。封溪在縣東一百步。源出於前溪。瀕為風渚湖。古所謂風渚也。統記。風渚云。在縣東一百步。事見封溪注。封溪云。在縣東三百里。誤也。阮公溪在縣西十七里。接餘英溪。亦前溪上流也。梁陳故事云。石靈寶。本會稽餘姚人。統記云。上虞人。寓居武康。生女有姿容。天監元年。選為輅乘采女。生元帝。為修容。賜姓阮氏。拜其父為朝請。時人因名其所居之溪曰阮公溪。溪中有大青石。俗謂之美人石。砂溪在縣東三里。以沙羨為石也。統記云。合溪邊有砂村。舊為兩溪之支流。其水清淺。多砂石。今漲淤。多為主田。新溪在縣東三里。自後溪東注。淳熙三年。知縣蔡霖。以砂積漲塞。舟楫不通。自汭溪口廢舊港。徙水道東北注。五里合長安大溪。邑人便之。號蔡公溪。長安溪在縣東北十二里。合眾流。東注砂村溪。東北匯餘不溪。北流水入于郡。元一統志。雪溪在武





康縣按本路圖冊云。起州治之南興國寺前。今小景德寺。江子匯以其合
 四水為溪。故曰雲。四水者。舊為一。自安吉浮玉山曰茗溪。一自武康銅峴
 山曰前溪。一自杭州臨安縣天目山經德清縣曰餘不溪。一自德清縣前
 曰北流。至江子匯而合。會運河水同過駱駝橋。出臨湖門北。經毗山入于
 太湖。又按王象之紀勝所引宋郡縣志曰。圖經謂自銅峴山出曰前溪。自
 天目山出曰餘不溪。誤矣。蓋自清源門入曰茗溪。其流濁。自定安門入曰雲
 溪。其流之清者。不過二溪耳。且餘不溪茗溪。皆出天目山。前溪雖出銅
 峴山。然至德清縣東。已與餘不溪合。而北流至定安門外。通謂之雲溪。不
 待與茗溪合。然後名之也。雲者。以眾流合集為義。而舊經乃按字書為四
 水。激射之聲。方輿勝覽。楊廷秀過雲川大溪詩。孤蒲際天青無邊。只堪蓮
 蕩不堪田。中有一溪元不遠。摺作三百六十灣。政如綠錦地衣上。玉龍盤
 屈於其間。前缸未轉後船隔。前灣望得到不得。及至前灣到得時。只與後
 灣纔咫尺。朝來已渡數百縈。問知德清清猶半程。老夫乍喜擢夫閭。管有到
 特君莫問。茗溪在縣。山海經云。句餘山東南五百里。有山曰浮玉。茗水
 出其陰。去安吉縣西南七十五里。去長興縣南四十里。皆茗溪水也。按本
 路圖冊所考茗溪有二源。西南一源。自天目山之陰。金石鄉靈奕鄉。東至

安吉縣治南之邵渡。又自縣之東南至章渡。又至北丘渡。其東南一源。自
 獨松嶺西聚眾山水。并浮玉山山水。折旋亦至丘渡。二源合而東至倪渡。乃
 折而西。復從東南而北。流至梅嶺鎮。以至吳山。北經彭匯入凡常湖。又與
 長興之南。為程之西。眾山水合而至城下。一自清源門入。經漕瀆。至江子
 匯為雲水。一自清源門外。趨釣魚灣。沿濠經迎禧門。又經奉勝門。合雲水
 入太湖。後溪在縣東北一里。縣後溪是也。其源自烏回眾山。流出過龍
 尾橋。又過橋東。注於茗溪之北流。宋慶元六年。本縣募民浚。民請不受。募
 粟出力浚治。自龍尾橋至獅子山下。長一千二百丈。公私便之。太平寰宇
 記。芋溪在德清縣東二十五里。山墟名云。芋溪以貢芋為名。南岸蘭相如
 廟。北岸有晴州刺史姚恢囚女城。郡縣志。前溪在德清縣西一百步。晉車
 騎將軍沈充家於此。樂府有前溪曲。乃充所製。阮公溪在縣西十七里。
 梁陳故事云。石靈寶者。寓居武康。有女殊色。天監中。選入宮。生元帝。為修
 容。賜姓阮氏。後人名所居為阮公溪。吳興續志。安吉縣舊誌。所載無所變
 遷者。不復重錄。惟茗溪一水。與舊誌頗異。及城東南諸溪。紀錄不詳者。今
 并書之。茗水邑之巨川也。水有二源。一出天目山陰。一出浮玉山。西至
 楊灣靈芝塔下。合流。經梅溪。過凡常湖。入郡城。沿迴曲折。為灣七十有二。





在縣境者二十有五。清潭灣。新村灣。郎道灣。湖山灣。錢塘灣。老石灣。樵墓灣。石玲灣。清波灣。下落灣。相見灣。塔山灣。石虎灣。南溪灣。包家灣。韓灣。湖灣。楊灣。盛灣。吳灣。施灣。邵灣。高灣。下灣。徐灣。

澗吳興志伏翼澗在長興縣西三十九里。山墟名云澗中多產伏翼。有素翼赤腹千載倒掛者。紫花澗在縣西北三十里。山墟名云。兩岸荒蕪之中。出紫花長薄之下。出朱藤。至三月紫花滿澗。一名花瀨澗。唐陸龜蒙詩云。花瀨濛濛紫氣昏。即此也。紫花赭石澗。與合溪同澗而異名。赭石澗在縣西北六十一里。山墟名云。崖岸礪礪望之絕然。遊者若昇絳霄。泉方興勝覽井泉金沙泉在長興縣啄木嶺。即每年造茶之所也。湖常二郡接界于此。上有境會亭。每茶節二牧軍至祈泉處。沙中居常無水。將造茶太守具儀牲祭泉。久之發源清溢。造御茶畢。水則微減。供堂者畢。水已半矣。太守造茶畢。即涸矣。

洲浦吳興志白蘋洲在湖州府霅溪東南。梁太守柳惲江南曲曰。汀洲採白蘋。日暮江南春。後人因以名洲。續國經云。柳惲於此賦江南曲。徐仲謀會景樓記曰。洞庭瀟湘三水。童子皆知其所。是不為吳興而作明矣。唐大

曆十一年刺史顏真卿始翦榛導流。作八角亭。又為茅亭。書惲詩于上。正元十五年刺史李錡作大亭。小亭。名曰白蘋。開成三年刺史楊漢公復疏四渠。濬二池。立三園。建五亭。以還顏公之舊。白居易為記。續國經云。白居易記云。柳守濼。鵝之。顏公推輪之。楊公繪素之。正元中李詞作白蘋亭。而不及者。居易據漢公書作也。當以李直方記考之。曰。柳伯李公。曰。已卯。不書年及人名。後又題元和元年。王濬獲觀此作。以曆稽泰元和以前。已卯歲。正元十五年也。唐刺史題名。正元十三年至十五年。為李錡。後遷本道觀察使。十六年乃李詞耳。記不應書以後事。錡臣節不終。宜樂天輩。刑而不書。而記則微辭而俟考也。或曰。統記載唐刺史正元十五年。為李詞。續國經之言。不為無據。是不然。唐刺史題名。李詞自續。不應自刻。其到罷月日。若使是李詞。曰。公何為。點其名。李直方筆。何必隱其年。又統記是國初人作。載唐刺史歲月。多與題名差誤。當以題名所書為正。杜牧之有題白蘋洲詩。至中和五年。五亭二沼。復不存。刺史孫儲。又因蘋建亭。翳茅作室。濬渠疏沼。光啓中。刺史李師悅。始即其地。增土築倉。惟餘白蘋一亭。餘見白蘋亭下。元一統志。舊志有白蘋亭。為一郡勝處。唐貞元中所建。白居易作記云。湖州城東南二百步。抵霅溪。溪連汀洲。名白蘋。因梁太守柳

永樂大典卷二百八





憚詩以為名也。顏魯公兵部為刺史。始剪榛導流。作公用亭以游息焉。旋屬穴瘞。存至沼堙臺地。後至開成三年。弘農楊君漢公字用文為刺史。乃甃四渠。濬二池。樹三園。構五亭。卉木荷竹。舟楫廊室。泊遊宴息宿之所。靡不備焉。觀其架大溪。跨長亭者。謂之白蘋亭。介二園。闕百卉者。謂之集芳亭。而廣池。目列岫者。謂之三光亭。龍晨曦者。謂之朝霞亭。狎清漣者。謂之碧波亭。五亭間開。萬象迭入。鸞背俯仰。勝無遁形。每至汀風春。漢月秋。花繁鳥啼之旦。蓮開水香之夜。賓友集會。毋得徐動。觴詠半酣。飄然恍然。遊者相顧。咸曰。此不知方外也。人間也。又不知蓬瀛崑閩。復何如也。

明月洲在武康縣庠門外。大溪之南。貴涇浦在雲溪西南岸。舊圖經云。梁時烏程有蘇氏女。於此遇道士。遺以五米龜。白後汝大貴。三年當有徵。後適章氏生陳武宣皇后。因以名浦。統記亦載。按南史。章后母蘇氏。嘗遇道士。以小龜遺之。光米五色。曰。三年有徵。及期后生。紫光照室。因失龜所在。永定元年。立為皇后。拜母蘇氏安吉縣君。舊圖經。統記諸書云。高祖即位。追贈安吉夫人。章浦。獨統記載在烏程縣東南一百二十五里。其中多生重臺蓮花。識者云。主生美人。後果生章皇后。因得名。青塘在縣北三里。迎禧門外。兵時開。舊經等書。並據吳興記云。吳景帝。鈕皇后父葬卞山。令

百姓兼丁三千人。間之。按吳志。孫休薨。諡景皇帝。夫人朱據女。休即作立為皇后。休卒。尊為皇太后。別無鈕皇后。但顏魯公石柱記。烏程縣有吳景帝鈕皇后陵。而吳興記。陵墓亦無之。止有吳中書令鈕淑墓。在縣西十里。御史中丞鈕陶墓。云在縣東十里。咸屬亦不載。未知各何所據。梁太守柳惲重濬。亦名柳塘。又名法華塘。自城入法華山寺路也。黃浦一名黃蘗澗。在烏程縣西南二十八里。其源出黃蘗山。吳興記云。春申君黃歇於吳墟西南立菰城縣。起青樓延十里。後漢司隸校尉黃向於此築陂。溉田。宋鮑昭有黃浦亭。黃浦橋。送別詩。括地志云。亦名庚浦。即康浦也。左右有上康下康村。晉殷康為太守。百姓避其名。改康為庚。又續圖經。謂以黃蘗澗名。顏真卿妙喜寺碑。已詳著。不必取數義。蓋舊記並載合存。掩浦在烏程縣東北一十六里。一名項浦。顧長生三吳土地志云。昔項羽觀秦皇輿大言。梁掩其口處。因名。按舊志。子城為項王故城。卞山有項王洗馬池。項王廟。吳興志所載。亦合存之。郇浦在長興縣東五里。縣圖經。載浦。漢二十有四。餘魚浦。祿浦。前周浦。後周浦。前荻浦。後荻浦。魚餘浦。鷄籠浦。陳瀆浦。石祁前浦。石祁後浦。彭城前浦。彭城後浦。新壩浦。因寒浦。金浦。石瀆浦。道界浦。白茆浦。吳濱浦。廣浦。張溇浦。社公浦。並治太湖。郇浦在德清縣






東北四十七里。右見統記。太平寰宇記餘漁浦在長興縣東北四十二里。周處風俗記云餘漁浦一名餘吾溪。即陽羨之東鄉也。吳越之間漁吾同音。舜漁於大小雷。此鄉之人舜時化之。昔捕魚之人來居此浦名之。
 川吳興志佛川在長興縣南八十里。吳均入東記云昔宋元嘉元年有石佛自川涌出。因創精舍。以佛川名之。湧川在安吉縣廣茗鄉。去縣南九十里。水吳興志北流水在德清縣前。其水分派於餘不溪。自清河石橋下北流至沙村。與武康前溪水合。又北至峴山。漾與餘不水合。入定安門。至江子匯為霽溪。右霽水及茗水以下四分為五溪。見唐人白蘋亭記。舊編云。天目山南來之水。自臨安餘杭至郡南門二百六十餘里。又地多湫洳。故其勢緩而流清。北來之水。自安吉至郡西門百四十里。又岸多迫山。故其勢急而流濁。故司濁者。權其重輕。獨取南來水。但西溪有七十二灣。水勢微殺。不為郡城害。每遇久雨。激湍尚可畏也。又有韭溪。舊圖經統記等書並載。云在烏程縣東南一百六十步。以岸多野韭故名。今不詳所在。若在縣東一百六十步言之。當在城中。統記又載韭溪橋。言詩韭溪。溪因名。今儀鳳甘棠猶間皆居字矣。石圻水在長興縣北四十里。山墟名云圻水。岸以其多石故名。又有盧圻。其土黑。茗水在安吉縣治西南七十五

里。至唐福堡九十五里。峻淺不通船。從唐福來四十五里。山海經云。勺餘山東五百里。曰浮玉山。茗水出其陰。注于具區。郡縣志發源天目山。經郡城入太湖。山海經云。出浮玉山。誤也。南嶼水一名白水。在安吉縣南二百八十里。一十四步。東北窟行七十里。峻淺不通船。至下昇館。入于茗水。董嶺水在安吉縣西南六十里。嶺上有水源。分東西流。東流者。入江東寧國縣。西流者。入本縣。唐周朴賦詩云。湖州安吉縣。門與白雲齊。禹力不到處。河聲流向西。方輿勝覽茗水在長興縣南。有上茗。下茗。惟下茗水釀酒醇美。劉禹錫詩。駱駝橋上春風起。鸚鵡盃中茗水香。元一統志石塘水在德清縣東十八里。臨大溪。即古武康塘也。石塘西塘。聯接數里。太平寰宇記。郎閣水在安吉縣治北三十里。周迴二頃二十畝。吳興記云。郎閣池水。灌田五百一十畝。鱗羽涵泳。芰荷交蔚。唐聖曆元年。縣令鉗耳知命。修郎閣路。霽水在長興縣。茗水之異名也。水深不可測。俗謂之茗水。又山海經云。浮玉之山。茗水出其陰。中多鯿魚。今亦謂之霽水。烏水。孔堯墩水在烏程縣西北二十八里。常昭三吾郡國志云。昔有孔氏之婦。少寡。有子八人。皆訓以義方。夜則讀書。晝則力田。漢哀平之間。俱為郡守。因名之。亦曰八子墩。





匪吳興志江子匯在湖州府治南即四水會合處江統記作崗又云舊傳夏夜蚊自道人馬自然泊舟後至今無之錢信平望僧蚊詩云安得神仙術試為施康濟使此平望村如吾江子匯前溪匯在府慈感寺西之溪灣也詳見前溪下

灣吳興志盛灣在長興縣東一里相傳梁南臺御史尚書令盛聰所居駱灣在縣南六里相傳梁安成王田曹參軍駱祕道所居祕道見陳書

釣魚灣在烏程縣十七都相傳為張志和釣魚處蔣灣在德清縣東南三里大溪之灣戴灣在縣東二里亦大溪之灣以上見舊編竊詳餘不

之上流即餘杭之水也由是而上至奉口其去都下不過九十里士大夫樂居之飲食之物差貴而田土之屬比他處亦高蓋所不憚也瀆灣在安吉縣順安鄉去縣東南二里

漾吳興續志西風漾在烏程縣十四都大苞漾在縣小苞漾在縣二十三都吳山漾在縣二十一都西徐漾在縣二十七都謝村漾在縣三十都錢山漾在歸安縣東南六里新興漾在縣東南三十里

東泊漾在縣東南二十四里後莊漾在縣東南三十三里重兆漾在縣東南三十七里土山漾在縣東南三十六里清水漾在縣東南四

十里龍開漾在烏程縣南五十里西莊漾在長興縣東北一十五里近湖神林漾在德清縣西南一十里大海漾在縣東南一十五里

王婆漾在縣南一十八里半代漾在縣東九里太師漾在縣東南三十里岑峯漾在縣東北一十三里西封漾在縣東四十里洛舍漾

在縣西北二十里荷浦漾在縣東南一十八里吳興志苧溪漾在德清縣東二十五里閻數百頃山墟名云以貢苧得名南岸有蘭相如廟北岸

有青州刺史姚恢囚女城湖跌漾在歸安縣西南二十五里統記云荊子訓卒葬湖跌山即其旁山也舊編云廣二百頃峴山漾在縣南定安

門外一里德清餘不溪北流溪武康前溪水所會處也俗呼藍邨湖以後見舊編洛舍漾在縣南八十里產金蓮子馬林漾在縣南四十五里

多陶戶為埭瓦見舊編

蕩吳興續志和尚蕩在歸安縣東一十二里

漕吳興志新漕在長興縣東四十里有新漕村見縣籍

涇吳興志梅涇一名東梅堰在烏程縣西南六十里以古梅亭為名


渚吳興志顧渚在長興縣西北三十里山墟名云昔吳夫槩顧其渚次原隰平行可為都邑之地今崖谷之中多生茶茗以充歲貢新唐志云顧渚

永樂大典 1冊 WA37-7 00-029

有茶。以供貢。詳見貢茶院下。郡縣志。茶生石上。謂之紫芽。最爲上品。唐置貢茶院於中川。配造供進。會昌中。加至一萬八千四百斤。仙人渚在武康縣西四十里。俗傳沈羲登仙之地。上有石盤名石胡梯。錢渚在縣西一百三十步。餘英志云。今廢淤。統記舊編云。縣東非也。以錢氏所居名。費渚在縣西一百四十步。餘英志云。今廢淤。統記舊編云。在縣東非也。以紹興以來。民之匿戶避役者。多假道流之名。家于山中。壘開巖谷。盡其地力。每遇霖潦。則洗滌砂石。下注溪港。以致舊圖經所載渚瀆。厥淤者八九名。存實亡。仙人渚在德清縣西四十里。沈羲得道之所。見神仙傳。小白瀨在長興縣東南三里。一名白露湍。以上並見續圖經。并統記。無胥淹在長興縣嘉會鄉無胥村。東西闊四里。南北五里。淹內有堆。名郭轉堆。湛星港在武康縣東南十里。與風渚湖通。中有水一泓。常湧泡沫。一名李港。烏山港在德清縣東南三里。亦餘不溪之支流。往新市烏墩水路。孔愉澤在德清縣西南二百步。天寶橋西。晉孔愉字敬康。徵時經餘不溪上。見漁者籠一白龜。買而放之。龜於水中左顧數四。後以功封餘不亭侯。鑄印如龜。右顧。更鑄亦然。工以告愉。愉乃悟。遂取而佩之。後人因以名。

焉。鄱陽汀在武康縣北一十五里。宋鄱陽太守沈雍之開。
餘英志云。今廢淤。舊編即以爲九里者。下渚湖非也。

永樂大典卷之二千二百八十



永樂大典卷之二千二百八十一

六模

湖州府七

官室

湖州府吳興志銷暑樓在譙門東唐貞元十五年李詞建有詩四韻給事中韋某等詩六首開成中刺史楊漢公重修畢工在中秋日有詩四首大中間刺史蘇特有銷暑樓八韻杜牧顧况亦有詩方輿勝覽杜牧之詩

晴日登攀好危樓物象鏡一溪通四境萬岫繞重霄鳥翼舒華屋魚鱗掉短椽浪花機作織雲葉匠新雕臺榭羅嘉卉城池敞麗譙蟾蜍未作鏹蟬

棘引成橋燕往隨秋葉人空集早湖楚鴻行盡直沙鷺立偏翹暮角凄遊旅清歌修沉寥景牽遊日困愁託酒腸消細吹流松韻殘陽渡柳橋時陪

庾公賞還悟脫煩囂滕宗諒上范希文詩序曰觀名與天壤齊者有若

豫章之滕閣九江之度樓吳興之銷暑宣城之疊嶂此外不過更二三所

而已郡縣志在烏程縣子城上麗譙之東唐正元十五年建撤望溪山之勝尤吳興之偉觀也會景樓在清風之下銷暑之上舊未有名治平中

永樂大典卷之二千二百八十一



知州事徐仲謀以為高下得所景物都會取今名有記清風樓在會景樓東貞元十三年刺史王浦重建宏壯於舊見統記上有張文規詩云清風樓下草初出明月峽中茶始生謂此也徐仲謀詩曰郡城重疊聳危樓最愛清風景物優說者謂此樓與銷暑會景棟宇相接如脩廊盛夏無畏日而清風常有因得名卞蒼樓在子城北本名天王樓有毗沙門天王在焉曰卞蒼者取徐陵碑高卞蒼蒼為義右四樓並建郡圃徐仲謀會景樓記曰吳興郡環子城有十樓除銷暑清風會景辨蒼見存外餘並不存清風銷暑二樓溪山環列俯視萬井為一郡登覽勝地自唐楊漢公再葺後至元祐呂溫卿復增闢今又百三十有餘年歲月悠久清風雖歌側尚可支惟銷暑風雨摧剝棟椽地腐嘉定癸未郡守宋濟即故址累土為臺撤而新之規模宏敞與清風會景併加葺治稍復舊貫明月樓在子城西南隅知州事徐仲謀會景樓記云由臺門而西至明月樓建已久矣自譙門火止存舊址舊編載唐人范傳正正月十五夜觀月詩有風淒城上月滿庾公樓夕照下西樓之句指言此樓蓋楊漢公八月十五日夜銷暑樓觀月有人在虛空月在樓溪上玉樓樓上月况城上十樓未有確據也又云舊傳郡治大廳居中譙門翼其側卞蒼擁其後清風會景銷暑蜿


蜒于左有青龍象明月一樓獨峙西南隅為虎踞之形合休休家之說方輿勝覽茗溪詩話刺史楊傑次公詩曰江南地暖少嚴風九月炎涼正得中溪上玉樓樓上月清光合作水晶宮吳興因此謂之水晶宮賞春樓望闕樓 觀景樓 映溪樓 照霞樓並闕成中造在子城上及四隅今無可攷或云今清風明月等樓或易舊名未可知也外又有三樓亦廢韻海樓唐大曆七年刺史顏真卿建真卿在郡著韻海鏡源三百六卷因以為名今廢見舊經鎮湖樓徐仲謀詩云湖上風濤或泛浮城南因立鎮湖樓今不存見舊編魚脯樓舊編云在儀鳳橋南堍東昔歲貢魚腊就此樓修製樓屋至今雄壯後罷貢析為民居今有魚樓界尚存舊名鎮霄樓舊編曰銷暑銷暑與清風會景為三樓鼎峙於子城之東南隅舊傳郡治譙門翼前卞蒼擁後而三樓蜿蜒于左有青龍象為郡偉觀寶曆丁亥秋颶風樓俱壞淳祐壬子知州事高衡孫營舊址建二樓銷暑改曰鎮霄清風為復閣仍舊名而更為東西鄉曩之會景則為脩廊使相聯屬二樓雖因唐舊而規模宏麗則遠過之鎮霄取義關係於形勢尤重而有休郡人陳振孫為之記六客堂在湖州府郡圃中熙寧中知州事李常作六客詞元祐中知州事張詢復為六客之集作六客詞序曰昔李公擇為



此郡張子野劉孝叔在焉而楊元素蘇子瞻陳令舉過之會于碧瀾堂子野作六客詞傳於四方今僕守是邦子瞻與曹子方劉景文蘇伯固張秉道來過與僕為六而向之六客獨子瞻在復繼前作子野為前六客詞子瞻為後六客詞與賡和篇並刻墨妙亭後人歆艷遂以名堂 道達堂在六客堂右知州事唐詢重建徐仲謀詩曰安寢有時延皓月閉門無處不清風棟宇甲於郡圃 熙堂在道達堂北嘉定三年知州事魏大中修易名思政四年知州楊長孺改浙西道院 四賢堂在鎮雪樓之下知州高衡孫因建樓即樓北虛地為小圃立四賢祠于堂所以景仰先哲垂訓後來也四賢乃內史王公太傅謝公忠烈顏公文忠蘇公皆郡之賢守云 碧瀾堂在子城南一百步雪溪之西岸唐大中四年刺史杜牧建中和五年刺史孫儲記云牧去後郡人望所建碧瀾堂若視甘棠宋漕使陳堯佐張逸俱有詩及他篇詠刻石墨妙亭慶曆八年知州事唐詢修紹興十年知州事蕭振重修乾道初居民遺火延燎知州事王時升重建人謂不如舊制宏壯歲久復不葺嘉定三年知州事魏大中重修且即堂後增泐水閣榜為水晶勝境方輿勝覽陳希元詩蒼溪清淺雪溪斜碧玉寒光照萬家誰向月明終夜聽洞庭漁笛隔蘆花 水堂在汀風閣北舊編云舊名

南堂梁太守柳惲與主簿吳均常賦詩故均有夜發南塘詩唐大曆中刺史裴清重修改今名刺史顏真卿有水堂送文士詩刺史張文規有水堂晚眺詩堂北有迎恩驛建炎中郡增置比較務遂併汀風閣與驛為之今亦為膳軍等酒庫 茗濱館舊圖經曰嘉祐二年知州事楊紘建今為轉運提刑司按茗溪在儀鳳橋故舊編云在湖州府子城西南亦不詳所在雪溪館統記云在府南二百步本名白蘋館舊編云在白蘋洲西南梁太守蕭琛置唐開元二十四年刺史韋敷改為開政館大曆元年刺史顏真卿改今名以其臨雪溪也刺史杜牧之有得替後移居雪溪館詩四韻自洲為倉館廢其址即今雙溪亭統記以為錢氏改為碧瀾堂誤也城外又有 謝堂館在謝塘見謝塘下 昇僊館在府東一十八里正元十年刺史俞頌置 東遷館在府東四十里本名太湖館開元二十九年刺史張景遵置大曆九年刺史顏真卿易今名以其在晉東遷縣故地也正元十年刺史于頔以其近昇仙館移向東二十里嚴村置之 震澤館在德清縣東九十里開元二十九年刺史張景遵置取震澤名 餘不館在德清縣南二百步唐天授二年置以臨餘不溪也近市亭山並廢 汀風閣在碧瀾堂北統記云在府南一百步或使命至泊于此今為膳軍酒庫 吳






興續志帝師殿在湖州府舊志所無元建於廣化寺東以奉八思麻帝師
元末府學兵燬權置學於內其後府學既成宋朝改為織染局
烏程縣

吳興續志湖為名邦翼翼官曹有園有亭息政之勞叙園亭舊志所載亭
館樓閣甚多今廢已久基已泯沒無從稽考止錄其可書者吳興志郡有
苑園所以為郡侯燕衍邦人遊嬉之地也士大夫從宦自公鞅掌之餘亦
欲舒豫乃人之至情方春百卉敷腴居人士女競出遊賞亦四方風土所
同也故郡必有苑園以與民同樂園為亭觀又欲使燕者款行者憩也故
亭堂樓臺之在園園者宜附見焉吳興山水清遠城據其會騷人墨客狀
其景者曰水晶宮曰水雲鄉曰極樂城楊漢公詩曰溪上玉樓樓上月清
光合作水晶宮景祐中王惟正送葉參知鄉郡詩曰雲漢水雲鄉元祐中
知州事林希因上地圖詩曰遠郭芙蓉拍岸平花深蕩槳不聞聲萬家笑
語荷香裏知是人間極樂城一城之內觸處見山洛陽市宅見山處出見
山錢觸處可以引溪流故九為苑園必景物幽雅雖近市如在雲巖江村
所以為貴也唐開成中白蘋洲有三園錢氏時清源門內有芳菲園宋寶
元中定安門內有南園今者是園廢為廩廩矣為居宅矣為招提矣園之

亭館自白蘋外俱不可見鄉老寓公多為芳園亭宇相望沿址旁聯花木
蒼茂遊者爭駭物園不能兩盛也城比舊有俞安撫園向安撫園今有趙
太師園葉左司園城南舊有沈尚書園今有萬侍郎南園月河有莫郎中
園其他未易悉數郡圃在郡治之後溪光亭舊志在歸安縣前俯臨運河
皇朝洪武元年知縣王正臣重建已廢射亭舊志所無今建三所一在射圃
一在烏程縣學射圃扁曰正己一在歸安縣學射圃扁曰觀德愛山亭
舊志在子城上西北隅通判公廨之後治平三年通判張太寧建麗澤愛
山二亭清心三小軒後燬于火元至正癸卯總管潘元紹即其址重建愛
山亭有愛山臺三字碑存今但名愛山臺集芳亭舊志揚漢公建在白
蘋洲上蕪廢已久今府治後東偏小亭知府楚岳題以集芳之名窪尊
亭在峴山鄒唐李適之遺跡元至元丁丑所建已廢咲月亭少憇亭
躡翠亭步雲亭以上皆在道場山燬于兵火今已重建宜晚亭在道
場寺側前有石壁元推官何貞立題刻其上亭今已廢正己亭在縣學
射圃內三友軒在縣學尊經閣西吳興志清樾亭在墨妙亭南今廢
墨妙亭在清樾亭北熙寧中知州事孫覺建蘇軾記云九境內自漢以來
古文遺刻取以實之又有詩一時名公相繼有作舊刻不存蔣璨復書于






石嘉定四年知州事魏大中重建。方輿勝覽自莘老之至。歲適大饑。莘老振廉勸分。及朝廷更化。當日夜治文書。期會而莘老以其餘暇。網羅前人賦詠數百篇。為吳興新集。其刻畫尚存。而僮仆斷缺於荒坡野草之間者。又皆集於此亭。

芳菲亭。在墨妙亭前。快哉亭。在子城上東北隅。挽翠亭。舊在子城東北角。慶元六年知州事李景和重建于六客堂北。八角亭。唐大曆中刺史顏真卿始翦榛棘。疏溪流以建茅亭。亦顏公建。書柳惲江南曲于上。後楊漢公作五亭有記。因列茅亭及舊址于碑。迎春亭。在東門內。唐刺史杜牧造。孫儲白蘋亭記云。杜公遺愛所建。迎春亭。郡人視之猶甘棠。後嘗改為驛。今復亭名。濯纓亭。在南門內。紹興初。知州事朱勝非建。職餘不溪清水。故以濯纓為名。白蘋亭。在白蘋洲北。唐正元中建。後刺史楊漢公重葺。白居易曰。以其架大溪跨長洲者。謂之白蘋亭。蘋洲諸亭。自築倉後。惟此獨存。紹熙中。郡以假寓公。遂致廢壞。慶元六年知州事李景和重建。殿中侍御史陳謙書額。又修石橋及橋亭廊廡。又於亭相對創屋三間。丹牖一新。復還舊觀。疊翠亭。在白蘋亭北。小橋之外臨水。面南山一帶。故名疊翠。慶元六年知州事李景和重修。知州趙師夔書額。雙溪亭。在洲西南。即雲溪館舊址。以二水名。淳熙二年知州事

趙師夔修。三匯亭。在疊翠亭北。以眾溪所會名。亭為公解者二。會溪亭。在白蘋亭北。近運河水。會雲溪處。故名。今為歸安主簿解舍。乾道中。薄沈興求請建。浮玉亭。在烏程縣南。臨苕溪。舊編按顏魯公集有柳惲西亭記云。湖州烏程縣南水亭。即柳惲西亭也。又引吳均入東記云。惲為郡起西亭毗山。二亭悉有詩。又引陳羽圖記云。西亭在城西南二里。烏程縣南六十步。跨苕溪為之。天監十六年所建。以其在郡治西故名。或曰。即柳惲亭也。惲初作亭。嘗與吳均賦詩。後嘗名雲水堂。唐隨州刺史劉長卿有題烏程李明府雲水堂詩。又名水樓。監察御史皇甫曾有烏程水樓留別詩。宋天聖中。縣令方仲弓重修。以亭臨苕水。來自浮玉山。故易今名。判官鄭戢為記。今為烏程主簿解舍。東亭。統記云。在東門外三里。臨荻塘。西亭。在西門外臨溪。柳惲有造西亭詩五韻。舊為迎送客處。今不存。方輿勝覽。張籍雲。溪西亭晚望。雲水碧悠悠。西亭柳岸頭。夕陽生遠岫。斜照逐迴流。此地動歸思。逢人方倦遊。吳興者舊盡。空見白蘋洲。艤舟亭。在白蘋館北。舊經云。臨雲溪。煙雨亭。在府西南八十六步。舊圖經云。唐烏程令李何建。亭宇并敞。棚六間。咸通五年。刺史姜源重再修。目為煙雨亭。今醋庫即遺址。四水亭。在定安門內。馮公橋南。宣和。中知州事葛勝仲建。





今廢。方輿勝覽。元豐中守蘇子瞻。嘗賦詩云。兩村鬱相望。東南百步場。拂
 旗蒲柳市。伐鼓水雲鄉。已作觀魚檻。仍聞射鴨堂。全家依畫舫。極目亂紅
 粧。激激波頭細。疎疎雨脚長。我來閑濯足。溪漲欲浮床。澤國山圍裏。孤城
 水影旁。欲和歸路處。聳外聽風牆。六客亭在郡園中。元祐中守張復作
 後守曰。昔李公擇為此郡。張子野劉孝叔在焉。而楊元素蘇子瞻陳令舉
 過之。會於碧瀾堂。子野作六客詞傳於四方。今僕守是邦。子瞻與曹子方
 劉景文蘇伯固張東道來過。與僕為六。而向之六客。獨子瞻在。復繼前作
 子野為前六客詞。而子瞻為後六客詞。歲寒臺倚子城。東壁傍有古松
 係郡園燕遊之所。毗山亭在毗山。梁吳興太守柳惲所創。惲與郡主簿
 吳均有毗山亭贈答詩。今廢。方輿勝覽集芳亭。朝霞亭。山光亭。碧
 波亭。白蘋亭。白居易記。湖州城東南二百步。抵雲溪。溪連汀洲。洲一名
 白蘋。梁吳興守柳惲於此賦詩云。汀洲採白蘋。因以名為也。前不知幾千
 萬年。後又數百年。有名無亭。鞠為荒澤。至大曆十一年。顏魯公真卿為刺
 史。始剪榛導流。作八角亭。以遊息焉。旋屬災潦。荐至。沼堙臺圯。後又數十
 載。委無隙地。至開成三年。弘農楊君為刺史。乃疏四渠。濬二池。樹三園。構
 五亭。卉木荷竹。舟橋廊室。泊遊宴息宿之具。靡不備焉。觀其架大溪。跨長

汀者。謂之白蘋亭。介二園。開百卉者。謂之集芳亭。面廣池。目列岫者。謂之
 山光亭。觀晨曦者。謂之朝霞亭。狎清漣者。謂之碧波亭。五亭間開。萬象迭
 入。鸞背俯仰。勝無遁形。每至汀風春。溪月秋。花繁鳥啼之旦。蓮開水香之
 夕。賓文集歌。吹作舟楫。徐動。觴詠半酣。飄然恍然。遊者相顧。咸曰。此不知
 方外也。人間也。又不知蓬瀛崑閬。復如何哉。時予守官在洛陽。楊君絳書
 賈圖。請予為記。予按圖握筆。心存目想。覩縷梗槩。十不得其二。三。大凡地
 有勝境。得人而後發。人有心匠。得物而後開。境心相遇。固有時耶。蓋是境
 也。實柳守濫觴之。顏公推輪之。楊君繪素之。三賢始終。能事畢矣。楊君前
 牧舒。舒人治。今牧湖。湖人康。康之曲。華弊興。利若改茶法。變稅書之類是也。
 利興。故府有羨財。政成。故居多暇日。繇是以餘力。濟高情。成勝槩。三者旋
 相為用。豈偶然哉。昔謝柳為郡。樂山水。多高情。不聞善。龔黃為郡。憂黎庶。
 有善政。不聞勝槩。兼而有者。其吾友楊君乎。君名漢。字公用。義。恐年祀覆
 久。來者不知。故名而字之。時開成四年十月十五日。記。太平寰宇記。烏亭
 在昇山上。王羲之所造。以烏中氏所居也。今廢。
 歸安縣。吳興續志。天開圖畫亭。在甘棠橋南。趙文敏公故宅。舊志所無。其
 址頗高。城南諸山。一覽在目。故名。漚波亭。松雪齋。俱在甘棠橋西。



趙文敏公別第。相繼廢毀。今為旗幟廟。觀德亭。在縣學射圃。知縣江漢倬建。

祠

湖州府。吳興續志。安定胡文昭公祠。在興賢坊。舊志所無。宋淳祐間。太守蔡節。建于廣化寺西。後為寺所奪。改建於茲。額曰安定書院。

皇朝洪武十年。知府陳文祐重修。仍上其事於朝。列諸祀典。歲一致祭。

防風氏祠。在郭尚書蘇將軍廟之間。廟在封禹山城下。亦為小祠。舊傳寧化寺防置之宅也。見統記。

烏程縣。吳興續志。祠廟在城中者。具見郡志。

皇朝載在祀典者。九。三。唐司徒顏文忠公。宋曹孝子。並見郡志。烏程縣龍神。即舊志顯利侯廟。在二十二都弁山黃龍洞。今列祀典。每歲五月二十日致祭。五顯祠。在道場寺後山之絕頂。祠左有塔。元末悉燬于兵。今邑人復建。舊志不載。玄武祠。在弁山。即舊志佑聖宮故址。向燬于兵。今邑人復建。祠西有玉虛洞。

歸安縣。吳興志。按本縣圖經。城內外祠廟七所。在城有蘇將軍。西楚王。郭尚書。通靈王。顏魯公。六所。見郡志。又有阜俗安闈王。及城外有功善王。不

知創建之由。東嶽行祠三。一在射村。一在東林。一在璉市。舊編有言。城

王廟在思溪。俗傳為言僊。史記。言僊吳人。九域志。平江有言僊宅。但以僊為言。城。語殊鄙俚。有東林土地廟。記。係是唐人所作。及橫洋土地廟。文。編。修沈瀛所撰。內去唐裝節。便求立案。以屯師旅。故謂之射村。語不知其何所稽考。一在長興縣西門外五峰山。紹興十年。見舊編。吳興續志。唐將軍李衛公神祠。即舊仁濟廟。在安吉縣西北三里。即唐李靖也。因擒輔公拓有功。邑人祠之。宋崇寧三年。賜廟額。後封惠武侯。進封忠智景武公。尋加輔世靈佑忠烈王。

皇朝命列祀典。改號唐將軍李衛公之神。每歲八月十八日致祭。

武康縣。吳興志。郭先生祠堂。在武康縣北十五里郭林村。即晉郭文也。文河內軹人。晉中原之亂。避地江南。步擔入吳興。餘杭。餘杭。即武康舊境。謝安聞其名。迎置西園。今祠堂南有郭林橋。西有招賢山。皆文遊息之地。正曜先生祠堂。在縣西懷安門外一里。地名孟宅。保即唐詩人孟郊也。地蓋其舊居。郊卒。門人張籍謚曰貞曜先生。

廟

本府。吳興續志。先生制禮。祀有常祭。祠廟之設。或以義制。叙祠廟。在城祠



廟按舊志所存無幾。今考已廢。或遷別所。及新建者。則詳具焉。吳興志古者法施於民。以勞定國。以死勤事。禦大菑。捍大患。者。祭之。祀典。郡邑之間。亦有陰祐一方。英靈赫著。受封額於朝廷。垂聲華于竹帛者。各廟食於其地。尸而祝之。號曰匪宜。非此族也。而舞巫覡。列牲酒。謂之淫祀。吳興風俗。人每以尚淫祀言。今考據國經統記。舊編所載。詳覈事始。著之于后。子不語怪。而統記載防風廟。巨人垂足。將帝廟飛虫入耳。銅官廟巫卧高柯。梓華廟馬啄今日。語尤恠。蓋郡邑有祠。所以為民水旱疾疫之禱。其繫祀典。載國志。陰佑斯土。廟食歲久者。固不可廢。正不必援神恠。以誇詆于無知之畔也。今故存其事。而刊其辭。三皇廟在湖州府壽昌坊洪禧寺東。舊志所無。元始建。以祀伏羲神農黃帝。以風后力牧。勾芒祝融配享。兩廡祀十大名醫。每歲三月三日。九月九日。致祭。其殿曰三皇之殿。門曰開天之門。醫學官主之。元朝廟仍其舊。朔望守土官行香拜謁。城隍廟舊在子城東北隅。元延祐三年。封其神為靈惠協順大王。皇朝洪武二年。改封威靈公。頌以

神像。以其土壘於壁間。正壁為山水圖。中設木主。前列几案。如公署之制。每歲春秋二仲月。於祭山川後一日。守土官率屬官祀。以羊一豕一。是年知府侯善。以舊址湫隘。不能備其制。於阜俗坊。擇民地改建。吳興志。其廟所在州縣皆有之。莫詳事始。唐杜牧為黃州刺史。有祭城隍神祈雨文二首。則郡之有是祀。其來久矣。州舊有廟。紹興十八年。知州事趙叔濟。重建廟宇。裝飾殊嚴整。吳文皇帝廟。在儀鳳橋南。本名吳太子和廟。在州西陵側。昭嗣位後。別初於今處。隋李廟毀。唐初重立。以和曾封南陽王。曰孫王廟。大曆十年。刺史顏真卿。以嘗追尊。上廟改為吳文皇帝廟。天和八年。敬祈重修。有碑。胡季良撰。舊圖經云。吳亦五年。建。續圖經云。昭嗣位始。初祠今處。廟之建。安得在孫權時。亦烏平舊經誤也。統記云。在州南一里五十步。括地志云。烏程縣南有吳太子和廟。初在州西山陵側。廟高一丈二尺。周回二百一十步。耆老以其縣有文皇帝陵。又孫昭嘗封烏程侯。乃於今處。別創祠宇。舊編云。太子和以罪廢居故鄣。永安元年。昭封烏程縣侯。始創祠于駱馳橋東。菡塘上。及嗣位。追尊帝號。移置今處。昭嘗遣使至廟下。迎其神主。來建鄣。儀物甚縟。廟有碑。按吳志。孫和赤烏五年。立為太子。後以讒。問徙故鄣。太元二年。封南陽王。遣之長沙。權薨。和徙新都。賜

永樂大典卷三十三





死。孫休立。封子皓為馬程侯。始自新都之本國。皓即昨。追謚文皇帝。改葬明陵。寶鼎二年。遣孟仁等。以靈輿法駕。迎神於明陵。舊編所載。亦未詳審。

郭尚書廟。舊志在駱駝橋北。元至正十二年燬于兵火。

皇朝命列祀典。知府楚岳。改建於臨湖門西北。歲一。致祭。額為晉尚書郎郭公。

之祠。吳興志。神諱璞。晉元帝時。為尚書郎。舊傳城之初立。璞相視陰陽。俾

無兵革患。故得血食。女預其議。因以從祀。舊祠在臨湖門外。國朝瑞拱中。

知州事。鄭建。始建置今處。有記存。續圖經云。以晉史攷之。郭於吳興無

功績。舊傳遷城。郡置。在寶鼎元年。璞當晉惠懷後。避地東南。事不相類。故

鄭記。但述其文學。遷城事。詳見城池下。忠烈廟。即顏魯公廟。舊在駱駝

橋東。放生池上。元至正十七年。築城隔於城外。總管陳味。移建於廣化橋

北。并遷放生池。諸碑碣在焉。

皇朝命列祀典。歲一。致祭。吳興志。紹興三年。勅賜廟額。神即唐顏魯公真卿也。

公大曆間。為刺史。遺迹不一。見郡守事迹下。忠烈言行。猶可想見。嘉祐中

郡人建神祠。通判章衡。遂寫魯公像于中。其後知州事。張田增葺。給事元

絳。容學王琪。俱有詩刻。又移公所書干祿字碑。放生池碑。項王碑。射堂碑。

烈於兩廡後。又附以乞米等帖。宣和。中知州事。葛勝仲。臨池建堂。榜曰懷

忠。紹興初。知州事。汪藻。以事上于朝。始賜今額。仍新廟貌。乾道四年。郡以

趙子湊祠。附于右。淳熙九年。又以蘇軾祠。附焉。二公皆善為刺史。蘇公之

志。國。趙公之捍城。亦邦人所仰云。靈祐廟。即曹孝子廟。元至正十二年

燬于兵火。

皇朝命列祀典。知府楚岳。於舊址。改建。歲一。致祭。今額為宋曹孝子廟。吳興志

在于城北。宣和中。勅賜廟額。封神昭應侯。神姓曹。諱清。烏程人。父嘗殺人

繫獄。自誣。手刃。代受重辟。既殺。殊顯靈異。有祈輒應。初。寓祀于靈濟祠。宣

和初。盜起。清溪。祀歛。及抗。近郊。獲有陸盜。餘十人。且及城下。知州事。王倚

見神于夢。已而守城者。夜觀異人。冠服華侈。往來雅潔。問。轉相告語。知神

陰助。賊平。州上其事。遂有封額之賜。乃廡地。建廟。為屋七十楹。郡人劉燾

為記。并書。碑在廟。廟有井。遇歲大疫。飲者輒愈。旗纛廟。在壽僊橋北。洪

武八年。長興。守禦千戶。所移治。郡城。洪武十年。始建。以祀大纛牙旗。及火

炮諸神。春秋二仲月。守禦官。主其祭。其址。即故趙文敏公故宅也。安吉

太守趙公廟。即府治土祠也。其神姓趙。名良溥。字景程。以宋宗室。來守是

郡。德祐二年。元將阿剌罕。兵至城下。良溥。縊於郡治。民立祠於府治廳事

東偏。





皇朝洪武十年知府陳文祐以其事請於朝。

命列祀典。歲一致祭。神兩旁。舊設淫祀神像。洪武十一年同知魏德源始撤去之。文昌廟在長橋之東。舊志所無。宋景定辛酉。蜀人牟子才率吳蜀士夫創建。以祀梓潼之神。吏部郎中程端升等咸助成之。宋封神文聖武孝德忠仁王。元加封為輔元開化文昌司祿宏仁帝君。今洪武七年知府楚岳重修。靈濟廟。即廣德張王廟也。元封其神為正祐聖烈昌福崇仁真君。俗稱張王廟。吳興志。在子城西。報恩觀之右。廣德祠。山張王也。有勅賜廟額。累封王爵。王後漢人。初居郡之白鶴山。唐顏真卿碑。載其事。乾寧中。邑人避宣城亂。寓居卞山。立草堂祀神。時李師悅為守。夢神弓授館。乃建祠于卞山之隅。顯應集云。王諱激。姓張。後漢時人。初居蒼雲之白鶴山。注云。其事見湖州碑。大曆九年。刺史顏真卿書重立。徐浩題額。碑載新室之亂。野火燬其祠。宋大觀丁亥歲。知廣德軍張競辰得之。掘其殘缺之餘。列石于廟。今舊碑不復存。又載湖州刺史李師悅記云。授館事。入統紀云。舊傳王之柳。趙二。姬。實白鶴山之人。建中靖國初。知州事徐鐸始創今廟。為屋三十四楹。曰行廟。有碑集。終撰。碑在廟額。題為行廟。以下山下有廟也。今卞山廟廢。定安門外。又創別祠。

德脫廟已廢。民遷其神沈約

像於吳文皇帝廟中。吳興志。在吳文皇帝廟之左。崇寧中。勅賜廟額。神姓沈

諱約。宋時人。沈為吳興著姓。約在宋以文名。官至左僕射。特進。俗號吳興地主。不詳。約廟之始。西楚霸王廟。在北二里。舊項王廟。在子城內。西北隅。以其地為項王故城也。自後漢以來有之。宋永初中廢。統記云。子城內地。為項籍故城。有古項王廟。以宋永初二年廢。後耆老又興廟於楚帝寺。又云。當後漢兵晉時有二廟。一在卞山。一在子城內。宋永初二年並廢。尋以其靈驗。置於州北二里。今項帝寺也。舊圖經云。在烏程縣東北四里。南齊書曰。李安人為吳興太守。舊方伯到郡者。皆殺軀。下牛祭項籍神。然後方上。安人。不信。牛無故自死。埋於廟側。號李公牛塚。梁典云。蕭琛為吳興太守。移神歸廟。事見郡守事迹下。陳高祖永定二年。於舊廟西北一里。更新立廟。遣中書舍人韋鼎冊拜神為楚帝。唐顏真卿於碑陰。述王興叔父梁避仇吳中。益今湖州也。靈應事迹頗多。陸羽圖經亦具載。南史。臨汝侯蕭猷為太守。與楚王神交。飲至一斛。每耐。祀盡歡極。醉。神影亦有酒色。祈禱必從。後為益州刺史。齊苟兒反。眾十萬攻州城。猷兵糧俱盡。乃遣禱請救。是日。田父有逢二騎。衣鐵從東方來。俄有數百騎。如風。一騎過。請飲。田父問為誰。曰。吳興楚王來救。臨汝侯。當此時。廟中祈請無驗。十餘日。

7
107





乃見侍衛士偶。皆泥濕如汗者。又統紀。載唐狄仁傑承制。應天下神廟非禮典者悉除。父老以項王廟為請。仁傑試齋宿于廟中。夜見偉人曰。吾西楚霸王也。自國家起義兵及征遼。吾常以陰兵佐之。今以功獲焚奈何。仁傑許其先輩。至晚以牢酒祭奠。其廟至今存。葛仙翁廟。在永寧倉門外東偏。即葛洪廟。制甚湫隘。舊志所無。不詳創建之始。通靈王廟。在甘棠橋。與橋相直。舊謂之銅官山趙監廟。見舊圖經。今俗呼銅官廟。漢吳王濞。令監督胥靡鑿山採銅。不忍虐用其民。山覆而死。因以立廟。吳興錄。顧野王與地志。及寰宇記。皆不載其名。梁同光中。勅封為通靈王。清泰二年加封福善。保仁王廟。本在武康縣銅官山。今廟國初第曰解宇。統紀云。武康縣銅官山有廟。州東南亦有解宇。見存。元符元年。知州事豐稷重修。郡人姚舜仁撰記。題曰重修通靈王廟記云。蘇將軍廟。在臨湖門內。郭尚書廟碑云。移置蘇驃騎堂之上。廟之置久矣。按南史。宋封蘇侯神為驃騎將軍。神即蘇侯也。續圖經云。所載經及郡人曾於此廟。獨見於鄒建所述。郭尚書廟碑。故老相傳。此郡人當是蘇峻。然峻本長廣掖人。嘗寇江南。別所自建。原自為驃騎領軍將軍。而初不及此。豈神像者為。亦有依憑者。即今按南史。文帝諸子。劭傳。劭排鳳王輦。迎蘇侯神像於宮內。乞恩

并為大司馬封王。蘇侯為驃騎將軍使。南平王鐸為祝文。今廟在武康。則蘇侯有廟在城下。事相類也。特建之由。續圖經之言未嘗考此。又蘇峻起兵。蘇侯事。見武康蘇侯廟下。况峻自為驃騎。神信為蘇峻。但事涉在謬。不足載。吳興續志。即蘇峻廟已廢。

烏程縣。吳興續志。項王廟。舊志在烏程縣弁山下。今已久廢。吳興志。在縣東北四里。唐天祐四年建。即山下下祠也。今廢。見舊圖經。元一統志。吳興記云。在烏程縣西北。其山有項籍廟。唐真卿於碑陰述王興叔父梁避仇吳中。蓋今湖州也。吳興志。靈祐廟在西陽。即昭應侯所居也。州城又有廟。詳見郡廟下。徐孺子廟在孺山。見孺山下。李靖廟在古山。舊編云。有唐兵道古碑在廟。有賜額及碑誌可攷。沈將軍廟在烏程縣昇山。神諱清。唐婺州刺史。大曆中李希烈陷下州。浙東西觀察使韓滉。使勒嘉興子弟四百人翼于潤州。交點士眾發自昇山。遂逆黨至汴口。力戰而死。詔贈衛尉少卿。兼左金吾衛將軍。即發軍之地置祠。光啓三年再新廟貌。有記具載其事。按唐史。憲宗時李希烈反。韓滉為浙江西觀察使。希烈陷汴州。滉遣裨將王栖曜。李長榮。栢良器。以勁卒萬人進討。次睢陽。破之。顯利侯廟。在下山。山之巔有龍池。麓有龍洞。熙寧四年大水。明年春復苦

7
10





雨。知州事孫覺禱焉。應期雨止。年遂有秋。明年始建祠。七年春不雨。知州事李常禱于祠下。湏臾即雨。祕丞朱臨記其事。元豐三年勅封顯利侯。烏將軍廟在烏墩鎮。一名烏戍將軍。唐烏仲胤之族子。史失其名。李錡反。將軍與之戰死。葬于鎮之普靜寺。遂廟食于此。前有大池。方十餘畝。多龜。人不敢捕。見舊編。而續圖經乃云烏氏自秦著名。今以名鎮。則將軍血食于此久矣。第年代繇遠。圖志闕逸。不可考。按唐史烏仲胤。河東將軍承。此子。憲宗時擢河陽節度使。入憲宗即位。李錡叛。令管內鎮將。殺常蘇。湘等。五州刺史。卒。祕殺鎮將。進討。卒。祕立功。事有石刻在軍資庫。及將吏姓名。當考。

歸安縣。吳興續志。舊志。祠廟在城者九。六。已見郡志。其城外者五。切善王。吳文帝廟。及東岳行祠三。今唯射村埭市二岳祠在。餘三處皆廢。今復以舊志不載者。附錄于編。東林土地廟在歸安縣。舊志不載其詳。按廟碑。神姓陳。許。辛。三姓。相為昆弟。此廟之立。已近千載。則神之廟食遠矣。舊基在城北。有靈鳥銜鼓于山之南。廟遂遷焉。宋建炎四年。金人渡江。所至屠戮。遊騎距廟十八里。若人震恐。禱于神。賊無敢自適。會有傳者云。賊見旗幟。亘數里。謂有大軍故去。人以為神威靈潛却之。紹興初。侍郎李宜白。

於朝。封靈應侯。元仍其舊。

本朝洪武五年。取勘祀典。有司以其事聞。命列祀典。號東林之神。每歲二月。官為致祭。石塚廣陵侯廟。舊志所無。按宋禮部尚書文及翁記。神姓陸。名圭。世為昭慶軍人。主於宋熙寧間。幼特勇猛。神異。以沮澤補右爵。兩調為泗州真州兵馬都監。宣和中大歎。發粟賑饑。存活百萬計。適方臘弄兵。東南大震。軍帥調公駐浙江。進嚴。漸與賊戰。數合。賊敗。積而道。師還。錢塘以卒。遂為潮神。紹興間。海濤衝激江岸。民不遑安。神役陰兵治之。潮勢隨平。嘉定夏。飛蝗蔽天。神覓雲端而驅之。蝗不為害。淳祐間。錢唐江復大決。有司隨築隨地。神與三女揚旗空中。浮石江面。以顯其靈。堤頓以成。浙西帥臣徐鼎實董斯役。以其事聞于朝。乃錫額曰協順。封其爵曰廣陵。封三女為夫人。立廟是邦。地曰石塚。生英。效靈。昭不可掩。環千里之地。家祝而鄉祠。奕。常子若孫。之與祖。所以蓋覆斯民。歷千載。猶一日。炳乎不可誣也。朝廷頒爵。命崇廟貌。於禮寔宜。水旱疾疫。有禱輒應。吳興志。吳文帝廟。在史涇。即太子和別廟也。

長興縣。吳興續志。舊志所載祠廟九十。惟城隍東嶽行祠。舊載道觀下。季王廟。在長興縣存餘廢。元建三皇張王季王廟。今三皇廟存。餘燬于兵。

7
107





皇朝重建者四。創建者二。三皇廟在縣治東。舊志無。元大德間。知州喬顯建。祀伏羲神農黃帝。以風后力牧勾芒祝融氏配。

國朝洪武九年。縣丞王琪重修。城隍廟。舊在縣東。皇朝洪武三年。知縣余隆移于靈祐坊。舊基今為縣治。廟依頒降制度。建正祠。

前門中門兩廡正堂。左右兩司。亦建門堂兩廡。設木主。題曰城隍之神。前列几案。每歲春秋二仲月祭。山川後一日致祭。羊一豕一。旗纛廟在百

戶所西。舊志無。洪武六年。守禦鎮撫劉顯。依頒降制度。建。春秋二仲月擇日致祭。大纛牙旗大砲之神。用羊一豕一。劉將軍廟。在李王廟西側。舊

志無。神名成靈壁人。先任廣德行樞密院管軍總管。同今長興侯耿炳文。領兵克長興。以功陞懷遠大將軍。長興翼左副元帥。辛丑年歿于王事。

奉 旨建廟。遣官致祭。吳廷陵季子廟。舊名五酉季王廟。在合溪。舊廢。洪武八年

重建。東岳行宮。在五峯山東。元大德間。同知州事馬銘重建。張王廟。

舊在縣東。即廣德祠。山張王也。廢于兵。

皇朝辛丑。知州黃庭桂。禱雨有感。重建于城西五峯山東。李王廟。舊志無。宋

名顯應廟。在城西五峯山下。神姓李諱祿。字福公。居邑之安化鄉童莊里。

大觀二年正月十八日。神誕。赤光照空。里人驚異。幼穎悟性剛直。宣和七年。歿于海陵之赤岸。時年十八。其發靈始于兩淮。以及江浙。凡雨暘災疫。

禱之輒應。開禧間。邑令趙滌。上其功德于朝。賜廟額封太尉。寶慶二年。復封威濟侯。累加靈惠廣佑福濟忠正王。元至順間。加封英烈。事蹟有碑。宋

朝燬于兵。吳元年重建。吳夫榮王廟。在東南一里。吳興記云。吳王闔閭。使其弟夫榮築城于此。又一所在洛陽。圖經作吳王榮。吳氏廟。漢錢鄉

廟。在西北四里。舊圖經云。彭祖四十六代孫錢鄉。名鄉。字幼子。建武中。為黃門侍郎。代郡太守。卒有靈。永平七年。立廟於柯里村。置吏十人。供其酒

掃。唐貞觀元年重修。陳聖子廟。在縣東九里。舊圖經云。昔陳武帝徵時。行息一楓木下。忽見一人云。子當富有天下。及武帝即位。不知其人所在。

乃於楓木邊立廟享之。名曰聖子。其本唐末猶存。吳興志。堯氏廟。在堯市

山下。皮日休茶塢詩注云。有堯氏廟。及羿后廟。在顧渚山口。謝太傅廟。


在縣南三鷗崗。廟前即其墓。有治平四年知縣事吳濤修廟碑。元一統志。

又按玉象之紀。勝云。謝安墓在長興南六十五里三鷗村。安初葬建康之

梅山。陳始興王叔陵發其塚。安裔孫長城令夷吾。徙葬于此。有大觀三年

墓田碑。柱題云。東晉太傅文靖謝公之墓。斫射神廟。在顧渚。唐張文規





廟記云。祈射神圖籍所不載。會昌二年。予入山。修貢。先遣押衙祭以酒脯。及到山。茶茅若袖。泉水若傾。因建祠宇。繫之祝祠。貢茶院。面虎頭巖。後曰。顧渚。右祈射。左懸。曰。魚波王廟。在縣西南包店。舊經云。吳夫槩養魚于此。故號魚波王廟。五酉李王廟。在合溪鎮。賢良祝鑑為記。以為五酉。有吳之訛。李王李札也。

武康縣。吳興續志。縣境之廟。舊圖經統紀。所載夫槩錢。御聖子止三所。舊編傳採廣引。堯氏魚波祈射。謝傳李王五廟。猶有證也。至於盛瀆廟。在縣南百步。神為尚書令盛聰。吳山廟。在吳山。羅公廟。在縣南五里。羅隱之祠。張李廟。在靈山。三僊廟。在洛塢。曰三仙姑。事或涉神恠。或因俚俗。今故畧之。三皇廟。在武康縣。舊志所無。元建於縣北五十步。後燬于兵。

皇朝。即其址為社稷壇。改建廟于縣治西南二百步。中為正殿。塑三皇像。配以風后力牧等神。翼以兩廡。前立靈星門。後建堂。元以醫學官主之。每歲三月三日。九月九日。致祭。今惟朔望行香。醫學官亦不復設。城隍廟。舊志在縣西一十步。後燬于兵。

皇朝。以其址為縣治公廨。改建廟於縣東北二百步。淨因院。舊基。洪武三年。頒

降制度。撤去塑像。中設木主。題曰武康縣城隍之神。前列几案。如公署之儀。正祠前門中門兩廡。復設左右二神司。每歲春秋二仲月擇日。縣官率其屬祀。以羊一豕一。防風氏廟。在縣東南一十八里。封山側風渚湖上。晉元康中。縣令賀循所建。吳越錢鏐徵時。嘗禱于此。有驗。及貴遂封為靈德王。增廣廟宇。有碑紀其事。

皇朝。列於祀典。號防風氏之神。每歲仲秋致祭。吳興志。在武康邑境有二。其一在縣東二里。地名清穆。一在封禺二山之間。風渚湖上。統記云。廟在封禺二山間。微異記云。晉元康初。中夜見有人坐武康縣樓上。身長數丈。垂膝至地。縣令會稽賀循知之。曰。此地本防風氏之國。其防風氏之神乎。遂立廟于縣之東。錢氏封為靈德王。號靈德廟。有石刻存。靈應廟。在縣南二百步。神姓徐。諱天祐。宋末本縣一日。謂人曰。吾將往山東為國辦事。言訖而逝。邑人遂為建祠。淳熙中。縣失火。知縣方導見神撲滅。繼有飛蝗。猛虎洪水之厄。神悉捍禦之。寶慶三年。賜今額。紹定元年。封孚濟侯。今存淵應廟。在響應山下。碧玉潭側。潭水齋澄。神龍居之。唐元和八年。縣令劉洵。禱雨有驗。始載祀典。宋朝元符元年。邑大旱。縣令毛滂。馳禱。未出山而雨。自是有請必應。刺史蔣之翰。遣烏程簿。禱雪。即如所請。以其事聞。勅賜





今額建中靖國元年邑人相與立祠宇滂有記刻石在廟乾道三年知縣張端友重修吳興續志云在縣西南一十里宋元符中賜今額本朝命刊祀典每歲季秋致祭 蔣靈帝廟在縣前溪南漢末蔣子文之神也吳立廟于鍾山不詳此邑創廟之自統記云蔣帝廟神姓蔣字子文廣陵人漢末為秣陵尉孫權時有人畫行於鍾山遇子文木衣白馬謂曰為我報吳王為我立廟於此吳王聞之為立廟於鍾山南封為蔣侯因改鍾山為蔣山晉蘇峻之亂晉師析之封為王齊東昏侯封為帝 銅官趙監廟在縣西北十五里銅官山吳興記云音漢吳王濞鑿山採銅銅監姓趙遇山崩壓死託以為神因為立廟水旱必禱公私皆有憑驗後唐同光中勅封通靈王至清泰二年封福善保仁王州東南亦有廟宇 梓華廟在武康縣黃龍山統記載宣驗記云廟本在錢塘為錢塘令盛凝所焚遂移祠于此 沈尚書廟在縣南一里尚書沈伯儀也統記云沈伯儀武康人有儒學解褐授太子文學國子祭酒 樊將軍廟在縣南上百步地號樊宅漢無陽侯樊噲是也餘英志云樊噲少失父從母嫁沛中遂為沛人今其地有古井見物怪人不敢汲 陳許二侯廟在縣東北隅吳越錢氏時建祀典失其名舊編云二王廟故老相傳為陳許二王廟 嶽帝廟在縣西北隅崇

福里元符三年建 靈濟廟在縣治東北清風里淳熙十一年建 九沈廟在沈壁山號九沈公舊編云沈氏初徙居山下兄弟九人山有峰頂各立一廟 旌忠廟在楊村乾道中樞密楊傑為父請于朝賜今額 德清縣吳興續志城隍廟舊志在德清縣東南臨大溪宋紹興中重建其神封阜俗保闡大王元因之 皇朝洪武四年改號德清縣城隍之神即舊廟仍拓地改建前門中門兩廡正堂穿堂後堂並如定式左右兩司亦建門堂兩廡撤去塑像畫雲山圖于正壁中設木主几案儀如公署每歲春秋二仲月祭山川後一日縣官率其屬致祭羊一豕一 三皇廟舊無元天曆間縣令仇治初建在縣西南一里祀伏羲神農黃帝以風后力牧勾芒祝融配享兩廡從祀十六名醫門殿皆以開天為名以醫學官主之每歲三月三日九月九日致祭至正十六年燬于兵 皇朝吳元年知縣黃宗義擇民地改創于縣東德廉坊每月朔望縣官率其屬行香醫學官不復再設 永靈廟在十一都新市神姓朱諱泗晉懷帝時為鎮國大將軍遭時多難力戰死國詔就邊立廟後族人感夢建廟于此吳越錢氏封保寧將軍宋紹興五年賜今額累封顯佑通應惠利侯如至

7
107



靈感公。

皇朝洪武四年命列祀典。號新市土地之神。每歲四月十四日致祭。餘不亭侯廟。在縣南興賢坊臨大溪。即晉孔愉也。愉以討華軼功。封餘不亭侯。自晉迄元。廟食不絕。後燬于兵。洪武七年邑人重建。

皇朝命列祀典。號餘不亭侯孔公之神。每歲五月五日致祭。吳興志。孔侯廟在城山之陽。舊圖經以為孔愉。從子嚴為吳興太守。立廟于此。今者市保廟。乃廟食之處。孔侯廟乃墓前祠堂。後因為廟。廟後有大塚。碑甃半露。上有古木數株。堅如鐵石。千歲之物也。古老相傳。愉葬後。龜銜窠木種於此。至今號龜銜樹。孚惠廟。舊志所無。神姓陸諱載。在八都新塘村。宋隆興間賜今額。

皇朝洪武四年以其忠孝事蹟上請于朝。命列祀典。號新塘土地之神。每歲四月十四日致祭。顯佑侯廟。舊志所無。在縣東南一里。神姓戴諱繼元。宋末人。時邑張水嬉舟覆。神攘臂解衣援之。眾皆得免。而神溺焉。後數著靈。邑人立廟祠之。其事具載于碑。宋景定間封以侯號。

皇朝洪武九年以其事上請于禮部。議得土神著靈列之。廟貌鄉民致祭。聽從

其便。每歲於清明日致祭。嘉王廟。舊志無。在縣東德廉坊。即唐張巡廟。今即其址。建察院。迺神像於餘不亭侯廟中。吳興志。沈麟士廟。在吳苑山之陰。面大溪。墓在廟後。闡相如廟。在縣東二十五里。係金鵝鄉界。孫王廟。在縣東南四十五里。孫皓父孫和之祠也。吳興志。並見舊編。

安吉縣吳興續志。三皇廟在安吉縣治北。舊志所無。元始建以祀伏羲神農黃帝。配以風后力牧勾芒祝融。每歲三月三日九月九日致祭。

皇朝廟仍其舊。縣官朔望行香拜謁。城隍廟。在縣治北。元仍其舊。後燬于兵。

皇朝洪武三年。改建於縣治之東南。中立正堂。穿堂後堂東西兩廡。內外為門。又置左右二神司。堂設木主。題曰安吉縣城隍之神。每歲祀山川後一日。縣官率其屬致祭。羊一豕一。朱明府廟。在縣西八里。邵墓山。即吳別駕朱紀廟已廢。吳興志。明府墳在其後。因廟食焉。神名紀。吳揚州別駕。偏將軍。施明侯廟。在梅溪鎮。神為晉尚書左丞相。征西大將軍。施彬。以征討有功。詔封中錫侯。彬父先為青州牧。封安吉侯。至是彬上表請縣之住宅南空地為食邑。其後遂廟食。唐大中三年重修。七年二十四代孫公贊作記。石刻見存。仁濟廟。在縣西北三里。俗呼為落石大王。即唐李靖也。靖

擒輔公柝有功於此。邑人祠之。崇寧三年賜仁濟廟額。後封惠武侯。進封忠智景武公。又進封輔世靈佑忠烈王。俱有誥祠碑記在廟。靈濟廟在縣西北常樂寺東。已廢。吳興志。紹興五年建。天目洞龍王廟在縣西南金石鄉。廟有龍井。遇旱祈禱甚靈響。又有古杉侵雲。上已枯朽。枝葉鬱然。父老相傳僅百餘年。吳興志。又載白猿神廟。唐萬岳天師吳筠鍊丹于吳山。有白猿竊而吞之。丹發躁甚。走至黃村。自沉于水而死。其後有靈顯。狂怪。故不錄。

寺

湖州府。吳興續志。象教之興。歷世崇之。考其官居。成壞有時。叙釋寺。吳興志。郡城招提二十所。以年代之。可見者考之。梁初建二。陳一。唐五。錢氏八。宋朝三。然唐朝雖五。而四在懿僖之時。宋朝三。而二為子院。廢額者乃有四焉。即城闈而祿諸邑。大畧可觀也。浮屠氏自東漢入中國。教即流傳。梁武篤好。至於葉宮殿而廬居。禁牲牲而菜茹。臣下競化。捐室徼福。陳時因之。唐武宗廢徹精舍。冠髻其徒。而躬受道籙。唯阿相去爾。宣宗舊勞于外。遁迹叢林。入嗣大統。隨即修廢。崇奉益虔焉。懿僖之際。摧綱解紐。鎮藩輒請。姑息聽從。暨錢氏而相煽成俗。不可藥矣。宋朝蘭若有損無增。高宗南

渡。漸祠部而不鬻。流落士族。俾鬻占廢宇以居。聖意所在。非臣庶所能蠹測。寺有更革廢置。亦居鄉者所當知也。天寧萬壽禪寺在湖州府。即故報恩光孝禪寺。後改今名。寺有鐘以警旦暮。又有李陽水篆經藏二字。并唐人所書經幢。報本寺。今止存一殿。餘屋皆毀。鴻禧寺。殿宇已廢。吳興志。在子城西。北。統記云。一里二十步。梁大同二年。侍中蕭翼捨宅建。舊名寶勝寺。唐會昌中。例廢。咸通十二年。僧法珍請為崇福寺。龍紀元年。改名寶勝寺。統記作寶聖。晉天福二年。錢氏改廣慧崇益寺。統記作建隆元年。吳興郡王錢傑。奏乞改額為廣慧崇益寺。宋朝大中祥符二年。改今名。統記云。景德三年。飛英寺。城北二里。今止存一殿。餘屋皆廢。西為舍利塔。宋端平初。沂王夫人俞氏重修。今塔并塔院雄峙如舊。吳興志。唐咸通五年。忠顯禪師募眾建剎。史高深表請為資聖寺。中和五年。改為上乘寺。舊圖經云。在白鶴鄉。咸通十三年。建為資聖禪院。中和五年。改上乘寺。寺前有石梵洗馬池。寺內有舍利石塔。白蓮池二所。唐刺史高湜。劉粗杜瑞林祠。吳興郡王錢傑詩云。兩岸橙花紅步障。一行山色綠屏風。景物可想。宋景德三年。改今額。續圖經云。改上乘寺。當開寶五年。改今名。當祥符元年。舍利石塔院在寺西。有上乘寺石塔。舍利院。本浮圖碑云。僧



云岐。咸通中飛錫長安。僧伽受以舍利七粒。及阿育王銅虎面像。遂歸建塔。始中和四年。成於乾寧元年。凡三十七層。高六十五丈。閣寶中有神光。現于絕頂。遂復增建木塔于外。紹興庚午歲。雷震成燼。知州事常同。因州人之請。復立是塔。舍利無恙。今又建木塔云。

廣化寺。殿宇已廢。吳興志在子城西。統記云。二百步。即吳興郡王錢健第。健沒後。捨為寺。號正法明。舊編云。當開寶四年。宋景德三年。改今額。西廊有子院。號寶嚴教院。院之經軸。皆題曰正法明寺。殿後有鐵塔九層。及恭義王祠。即健也。

大寧寺。自宋末已廢。吳興志在儀鳳橋南。本福田院。唐開元中建。州舊有大寧寺。居比丘尼。今報恩光孝寺也。崇寧二年。詔諸州置崇寧萬壽寺。郡以大寧寺應詔。遂移寺額。與所居尼於福田院。

廣福尼寺。舊志所無。在今府學東。宋韓侂胄改宅。沒于官。改建靖應道觀。尋為僧總攝所奪。易為今寺。元末改為官倉。吳興志寧化寺。在府東北二里。舊傳古防風氏宅。會昌元年。刺史張文規置。今廢。統記云。今人性性於寺。夜見巨鬼坐殿。垂足於地。寺有杉松院。院中有古塔。及鐵又珠像。楚帝寺。在東北一里。古項王廟也。梁太守元仲景。夢偉人羽葆甚盛。請居宅為寺。遂捨宅建。昭明太子撰碑。以陳封項王為楚帝。因呼楚帝寺。今廢。見統記。

德本寺。在府北

前石橋後石橋之間。今不存。郡學文宣王廟。碑陰載郡人徐導。居德本寺之後。石橋。敘事頗詳。吳興志報恩光孝禪寺。在子城北。陳永定三年。章皇后捨宅建。見舊圖經。名龍興寺。神龍二年。改孝義寺。有徐陵撰碑。十代孫鳩之書。中宗時復舊名。會昌五年廢。次年再置。長興二年。錢氏改為大寧寺。據統記。本尼居也。其地曰章后坊。有唐經幢十數。皆刻尼名。宋朝崇寧二年。改為崇寧萬壽寺。紹興七年。以崇奉徽宗香火。賜報恩廣孝。十二年。改今名。統記云。文殊堂額。類魯公書。又有謝安石碑。裴清撰。今不存。吳興志開元寺。在子城西。統記云。一百二十步。梁天監中尚書右僕射徐勉以居宅有慶雲之瑞。捨為尼寺。號八政。武德元年。改居僧。開元二十六年。改今名。殿內有明皇真容。武宗初例廢。會昌五年奉勅再置。見統記。薛逢有寄湖州開元儒座主詩曰。傍城花柳覆精廬。氣象可見。寺東廊有廣福院。奉觀音像。西廊有智者院。居教徒奉普賢像。寺累經回祿之災。今惟存廊廡。觀音廣福院。因別立門。吳興志興國寺。在府東南一里。南齊給事中徐係祖捨宅為寺。今廢。統記云。係祖初為青州刺史。造石佛像二軀。及還江東。其象堅重不可載行。次松江風雨夕晦。石像偉然在側。舊編載舊圖經云。四水至州南興國寺前。合為雷溪。至江子匯左右。唐初寺廢。移額于





千金。今名無為寺。

烏程縣。兵興續志寺之在城者。已見郡志。其在鄉都而載于舊志者九。今列于左。道場寺。何山寺。景山寺。峴山寺。圓證寺。惠覺寺。妙喜寺。顯親隆報院。妙果尼寺。普明寺。在烏程縣菁山。事具黃潛所為記。鳳山寺。在九都宋末建。明本寺。在衡山。元初宣慰游介石建。普應寺。即幼住菴。中峯和尚卓錫之地。在弁山。至正間賜額。傳惠寺。在二都。出塵寺。在六都。福山寺。在九都。海印院。在十一都。慈濟院。在十四都。寶祐寺。資福寺。皆在十六都。精巖院。在二十一都。清居院。廣濟寺。皆在三十二都。真常院。在三十四都。真慶寺。在四十五都。慈光院。在四十九都。真福寺。在五十一都。吳興志顯化禪寺。在縣南二里峴山。崇寧四年。以澄悟禪師塔。祈求有驗。始賜今額。其塔號定應。圓證寺。在縣西北一十五里下山。唐大曆中有僧惠政。坐禪四十年。元和五年。改宰相于頓。表上其事。賜名聖壽寺。會昌三年。刺史張文見積石貯泉。曰浮空潭。又以水似伊洛。改名思洛。又作泣玉亭。宋治平二年。改賜今額。祥符圖經。已作圓證寺。未詳。惠覺寺。在縣西北一十五里法華山。梁普通二年。建號法華寺。寺有堰松九曲池。流盃亭。望湖亭。唐刺史常

明歇。李峴。盧幼平。崔元亮。張文規。有詩。宋治平二年。改賜今額。舊圖經作法華寺。普靜寺。在縣東南九十里烏鎮。梁天監中。司空沈約。捨父墓地。建光福寺。約先葬父于此。今寺殿基。即其處。約歲時來展墓。武帝遣昭明太子迎之。約不自安。乃遷葬。以地為寺。宋朝大中祥符間。改今額。密印寺。在普靜寺側。梁昭明太子之館也。沈約展墓。昭明館于此。約捨墓地為寺。昭明因此。館別為一寺。今約與昭明為二寺。伽藍神舊有碑刻。大覺寺。在縣東十八里西余山。舊名寧化。宋朝治平二年。改今額。妙果寺。在烏鎮。元祐中建尼寺也。喜宥院。在縣東四十里舊館。唐光啓中建。見續圖經。舊編云。蕭梁時。建號聖嘉院。錢氏改今名。國朝續志。改院為寺。圓明院。在縣東北四十五里上林。錢氏同光中建。名者經院。後改廣濟院。國朝續志。改院為寺。布金院。在縣東北七十里湖上橋樓。廣順十年。錢氏建。名觀音院。國朝續志。改院為寺。法忍院。在縣東四十五里軌村。錢氏建。號善慶院。國朝續志。改院為寺。歸安縣。兵興續志。舊志所在。載釋寺。其在城者。十有一。已見郡志。散在鄉





村者二十有九惟黃巖寺尚今錄其名并近代暫建而復廢者吳興志舊圖經載寺院三十四有法照院東保安院多慶院福田院霽水傳經院景德寺本縣圖經載在城十一所光孝慈感天聖報本能仁善成證通飛英景德郡安大寧城外二十九所除在城內者附見郡志其在城外者如后獅子吼寺在縣南崇禮鄉射村吳常泰中有居人劉鉞嘗與費長房觀空中奇獸金毛五色哮吼之聲三振遂奏捨宅為寺因為名唐會昌中廢大和二年重建宋天聖壬申歲僧有感等起三門及軒廡景祐乙亥畢工有記在寺慶元二年重修編修沈瀛述記祇園寺在縣西南東林齊永明三年建號大秉寺宋治平二年改今額寺東廊有呂僊像在薛荔中有塔在山頂見圖經舊編及沈東老事鹿苑寺在射村梁大同元年處士夏份捨宅建寺後廢唐大曆三年沙門明誓募緣請重建詔賜名永興寺元和五年鄉貢進士吳行周撰記有鹿苑神闕龍宮化來之言其莊嚴可知又云郡守工部尚書顏公蒙華額即具卿也宋治平二年改今名隆興元年僧元湛募緣重修佛像侍郎葛立方宗丞沈詢進士吳椿有詩并記刻石精舍禪院在施渚陳永定中青州刺史管聚捨宅為院見舊經統記載管聚捨宅後再到遊覽題詩有昔捨家山為梵宇今來此寺覽遺

蹤之句又白樂天寄題詩曰俱遊山水往南州行盡天台及虎丘惟有上強精舍寺敢堪遊處未曾遊又唐中書舍人李百藥御史大夫高智周金部郎中錢起鄆州刺史即士元各有題詩在寺唐大中元年改為禪院院中有井廣半畝水甚清泚中有靈鰻長數尺背有金線俗呼為鰻菩薩井殊靈異水旱加禱即見井面無為寺在縣東南福增鄉千金里晉王行捨宅建見舊圖經及舊經云見興國寺碑竊詳王行在西晉時已死於吳虜不知何從有宅在江南不知寺碑之言何所據唐時土人馮倫沈演復建移郡城興國寺廢額榜之會昌中廢咸通三年又建鄉貢進士張瞻撰記畧云花開寶殿文燦堦階百堵興而門戶闕萬楹疊而廊廡對寺有名僧五千人其雄偉亦可見宋治平二年改今額黃巖禪寺在縣西南至孝鄉唐村唐中和三年建錢氏時號長慶院宋治平二年改今額見舊編據舊圖經有黃巖院又有長慶院並云在至孝鄉長慶院云不詳初置歲月後唐清泰元年重建黃巖云唐中和三年建吳一院而重載也開化院在縣東南孝仁鄉侯射晉永嘉元年孫德宗捨宅建唐會昌五年廢錢氏重建號菩提寺當周廣順三年宋治平二年改今額國朝續志改院為寺鳳山院在縣西南廣德鄉宋元嘉四年遂昌縣令潘





琮捨宅建錢氏改今額當宋建隆元年。

國朝續志改院為寺。棲真禪院在縣西南延村。唐咸通六年姚恩捨宅建。

號孝義院。宋治平二年改今額。覺悟教院在松亭鄉思溪村。唐咸通十

四年金州刺史劉某捨宅建號覺觀院。會昌中廢。宋朝咸平以來始建大

殿法堂諸天閣改今額。據舊編云。會昌中廢。咸通中復興。又云治平二年

改今額。每舊經云。唐咸通十四年劉使君捨宅建。作圖經時已號覺悟。非

治平二年改明矣。

國朝續志改院為寺。淨慈院在太元鄉含山。唐乾符三年沈從昭捨地建。

號含山院。宋治平二年改今額。山頂有塔。

國朝續志改院為寺。瑤山院在埧市。唐初郡有逍遙寺廢。會昌三年請額

建此。咸通二年改今額。

國朝續志改院為寺。禪智院在縣東南三十里竹墩。唐咸通十五年沈思

立建。號大乘禪院。錢氏時沈思蘊重修。當後唐同光四年。又改名廣福羅

漢院。當周顯德六年也。宋治平二年改今額。

國朝續志改院為寺。宣妙院在縣東九十里。即邪鄉古博村。唐乾符五年

進士蔣子友捨宅建號興福院。宋治平二年改今額。據舊經有興福院。無

也。宣妙院。舊編有宣妙院。無興福院。鄉分年代俱同。故知宣妙。即舊名興福

國朝續志改院為寺。尊勝院在縣西南九十里至孝鄉銅盤村。不詳初置

歲月。錢氏重建號寶壽院。當周顯德五年。宋治平二年改今名。

國朝續志改院為寺。妙嚴院在縣西南九十里至孝鄉莫村。錢氏建。當晉

天福八年。

國朝續志改院為寺。無相院在縣西南一百里至孝鄉莫干山。錢氏時建

號莫干院。宋治平二年改今額。

國朝續志改院為寺。演教院在縣東南三十里荻岡。錢氏建號興福院。先

當周顯德二年。宋建隆元年重建。治平二年改今額。

國朝續志改院為寺。上乘院在縣東四十里福增鄉靈山村。未詳初置年

代。錢氏重建號清靈院。當晉天福七年。宋治平二年改今額。

國朝續志改院為寺。悟空院在縣東南二十里松亭鄉湖跌村。不詳初置

年代。錢氏重建號正福院。當唐乾祐二年。宋治平二年改今額。

國朝續志改院為寺。淨業院在縣東南二十里松亭鄉沈灣。本名沈灣禪

院。不詳初置年代。錢氏時重建號普光院。當周顯德二年也。宋治平二年





改今額。

國朝續志改院為寺。青蓮院在縣東南二十五里松亭鄉石塚。唐大順三年建。景福三年賜額名報恩。見舊經。據舊編云。乾寧元年賜名。宋治平二年改今額。紹興二十六年僧齊岳鼎新重建。劉一止為記。

國朝續志改院為寺。興慶院在縣東南九十里屠村。錢氏建。舊編舊經俱不載年月。

國朝續志改院為寺。金地院在縣東南九十里清風村。初號清風院。不詳始置年代。宋治平二年改今額。

國朝續志改院為寺。廣福禪院在縣西南九十里中山頂上。不詳建置歲月。按舊經。有資福菴在縣南至孝鄉北。齊乾明二年重建而為此院。舊編及本縣圖經。即有此資福菴。至孝鄉在縣西南九十里。即此院也。

國朝續志改院為寺。顯親教院在縣東南六十里熟梅村。紹興八年。即唐廢寺基建賜額。

國朝續志改院為寺。圓覺禪院在思溪宣和中土人容州觀察使王承從與弟崇信軍承宣使永錫創建。賜額為慈受和尚道場。寺有塔十一層。及有藏經五千四十八卷。印板作印經坊。

國朝續志改院為寺。妙因院在青山。嘉泰中武經郎張思恭移廢額以侍雲遊。

國朝續志改院為寺。

長興縣。吳興續志舊志寺院三十三所。已廢者二十七所。移建者二所。其存者四所。不復書。廣福寺。乃天台教院。舊志在吉祥門西北寺基。今為城壕。壬寅年僧滋茂移於城西。併紫金菴為一寺。今前殿。即舊菴之觀音殿。大雄寺。舊志在廣福寺西舊基。今為城濠。洪武二年。移於在城迎薰坊。吳興志在縣西北一里。陳文帝天嘉元年。為皇考始興昭烈王太妃所立也。本號報德寺。周弘製寺碑。唐會昌二年廢。大中元年。縣令俞冕奉勅重建。治平二年改今額。字石曼御書。寺西偏水陸院。有疏淪池。仰止亭。東有秋音亭。寸碧軒。巖壑齋。慧隱道。此嘗住持。見郡志。道僧下。空王寺。在縣西北天居村。錢氏特建。名天居寺。宋治平二年改今額。實相寺。在縣西曲水村。陳大建五年建。名曲水寺。宋治平二年改今額。慧豪慧暢住寺。見郡志。高僧下。大雲寺。在縣西南四十里方山。齊永明元年置。號方山寺。宋熙寧中有僧析竹絲織為佛。至今存。號竹佛。後改今名。習善寺。在縣西南百十四里。齊永明元年置。宋祥符中增修。有釋靈採記。治平二年





7
107

永樂大典卷之二千二百八十一

改為證心院。後復今名。舊編以為治平。後又改今名。按統記作於淳化時。
已載集善寺。普安寺在縣西十六里。陳永定二年。蔡州刺史栢顯慶所
建。名陳興。唐天寶四年改為唐興。錢氏又改名長興。宋治平二年改今額。
曉覺寺在縣西南百十九里洞。齊永明元年建。號齊明。唐天寶四年
改今額。

重錄
總校官侍郎 高拱
學士 巨 瞿景淳
分
校官編修 巨 陶大琮
書寫 儒士 巨 黃邦琦
國點 監生 巨 董仲祥





永樂大典 1冊 WA37-7 00-054

国立国会図書館

